

雜病源流犀燭

沈氏尊生書卷七

雜病源流犀燭 臟腑門

癲狂源流

沈金鰲撰

癲狂心與肝胃病也。而必挾痰挾火。癲由心氣虛有熱。狂由心家邪熱。此癲狂之由。癲屬肺。痰在包絡。故時發時止。狂屬臟。痰聚心主。故發而不止。此癲狂之屬。癲之患雖本於心。大約肝病居多。狂之患固根於心。而亦因乎胃與腎。此癲狂兼致之故。經曰：癲疾始生。先不樂。頭重痛。視舉目赤。啼呼喘悸。反僵。而及骨與筋脉皆滿。若脉大滑久自已。脉小堅急死不治。蓋不樂者肝乘心也。頭重痛肝氣上顛也。視舉肝之目系急也。目赤肝火上炎于竅也。啼呼喘悸肝滿乘心而惑志失神也。反僵急在筋也。及骨與筋脉皆滿則與癰癧同。但無止時也。脉大滑久自已。陽搏於陰而脉滑。陰猶盛。

也。小堅急死不治。肝之真臟見也。惟及骨與筋脉皆滿。故骨筋脉皆能患癰。而症狀各異。故經曰。骨癰疾者。頤齒諸膺分肉皆滿。而骨居汗出煩冤。筋癰疾者。身拳攣急。脉癰疾者。暴仆。四肢之脉皆脹縱。脉滿若嘔多沫。氣下泄者。不治。蓋骨筋脉之癰皆癰病之所統。而及嘔多沫。氣下泄。總承諸癰言之。凡患癰者。皆以如此而不治也。嘔多胃氣逆。沃沫脾運已弛。氣下洩。腎關不守。且二者俱無胃氣。故不治也。經曰。狂之爲病。先自悲也。喜忘。善怒。善恐。少卧不饑。已而自高。賢也。自辯智也。自尊貴也。善言罵。日夜不休。又好譎樂。妄行不休。多食。善見鬼神。此言心疾。或由於有所大恐大喜。大憂大驚。以至失神之爲患也。然而邪並於陽明。亦能發狂。上屋登高。呼棄衣走罵。言不避親疎。蓋邪者熱邪也。陽明之部。心君所居。其部熱勢必及心。是以亦失神也。此言熱病也。若夫心腎不

交二陰二陽兩傷之氣交至則腎水空而龍火逆上與陽明之熱  
交并亦能惑志失神而癲狂罵詈所謂腎精不守不能主理使心  
火自焚也此言虛病也又有所謂怒狂者陽氣因暴折而難決少  
陽胆木挾三焦相火太陽陰火而上升也古人治法先奪其食使  
不長氣于陽飲以生鐵落湯使金以制木木平則火降也此言陽  
厥病也此癲狂之症候王叔和云陰附陽則狂腰以上至頭熱腰  
以下寒也蓋陰氣不能治寸內則附陽而上升陽無承而不下降  
故上熱而下寒陽附陰則癲腰以下至足熱腰以上寒也蓋陽氣  
虛不能衛于外則附陰而下陷故下熱而上寒此癲狂陰陽相附  
之異癲因謀望失志抑鬱無聊而成狂因陽氣遏抑不能疏越而  
得要必由心神耗散氣虛不能勝敵故痰與火得猖狂犯上而爲  
是二疾此癲狂之原本相伺癲爲久病狂爲暴病癲病多喜狂病

多怒癲。有時人不之覺。是癲之輕者。狂有時人不及防。是狂之驟

者。癲病痰火一時忽動。陰陽相爭。亦若狂之狀。狂病痰火經久煎

熬。神魂迷惑。亦兼癲之狀。此癲狂之形勢。宜辨治。癲先以吐劑湧

去痰涎。宜控涎丹。次進安神之劑。宜琥珀散。治狂先奪其食。次下其痰。瀉其

火。下痰宜山查丸。瀉火宜生鐵落飲。此治癲狂之大要。而癲之病。有因驚得者。宜

胆有因怒得者。宜導痰湯。有因心藏虛損。氣血不足者。宜溫胆湯。有因

痰迷心竅者。宜鎮心丸。有因痰火俱盛者。宜甘遂散。有因思慮過度

者。宜歸脾湯。有因心經畜熱。或時煩躁。眼鼻覺熱者。宜清心丸。有因陰虧。

不時暈倒。痰壅搐搦者。宜寧神湯。有因心氣不足。神不守舍者。宜歸脾

有因大病後。心虛神散。元氣羸弱者。宜神丹。有因痰火驟壅。發為怪

異狀者。宜清心痰痰丸。有因久年癲疾。氣血俱耗者。宜虎丹。有癲疾愈而復

發。作止無常者。宜斷痛丹。若婦人而患癲。皆由血分不調。宜加味逍遙散。或心

風血迷之故。宜散狂之病有因上焦實者。宜生鐵落飲有因陽明實者。

宜承有因熱入血室狂不知人者。宜牛黃解毒湯有因火盛而為狂狂奔

走者。宜當歸承氣湯有因心經邪熱狂亂而精神不爽者。宜牛黃清心湯黃連瀉心湯

有因驚憂得之痰涎久留于心竅者。宜鬱金丸有因風涎暴作氣塞倒

仆者。宜通泄散有因失魄狀若神靈所憑者。宜鎮心丹有因失心失志或思

慮過多積成痰涎留在心包者。宜葉氏雄朱丸有因勞神太過致傷心血

驚悸不甯若有人捕漸成心疾癲狂者。宜辰砂甯志丸有因悲哀動中而

傷魂魂傷則狂妄不精不精則不正當以喜勝之以溫藥補魂之

陽者。宜驚氣丸有因喜樂無極而傷魄魄傷則狂狂者意不存人當以

恐勝之以涼藥補魄之陰者。宜鬱金丸苦參丸有癲狂初起者。宜甯志丸化痰湯有

癲狂久不愈者。宜鬱金丸此治癲狂之詳法或緣痰火鬱結而癲狂。宜清

心滾痰丸牛黃清心丸或緣風痰迷心竅而癲狂。宜鐵粉散或緣癲狂而不

黃清心丸

得睡卧。宜畏其或癲或狂，均可審其原而以方治之。此治癲狂之通畧。

脉法

內經曰：癲疾脉搏大滑，久自已。脉小堅急，死不治。又曰：

癲疾脉虛則可治，寔則死。

靈樞曰：凡脉急甚，皆爲癲狂厥疾。

脉訣曰：癲癰之脉浮洪大長滑大堅寔，痰畜心狂。又曰：大堅疾者癲狂，得效曰恍惚癲狂，寔大爲順，沉細爲逆。

癲病原由

內經曰：癲得之于母腹中，名爲胎病。其母有所大

氣上而不下，精氣并居，故令子發爲癲疾也。又曰：厥成爲癲疾。

又曰：邪搏陽爲癲疾。

綱目曰：痰邪逆上，頭中氣亂，脉道閉塞，

孔竅不通，故昏眩而倒仆也。以其病在頭顱，故曰癲疾。又曰：大

人曰癲，小兒曰癇，其寔一也。

蓋按大人亦有患癇者，另詳諸癇條中。綱目以大人小兒分癲癇，而

以爲寔一症，恐非是。

癲與癇不同。綱目曰：癲者，異常也。若平日能言，癲則沉默，平日不言，癲則呻吟甚而僵仆，直視心常不樂，言語無倫，如痴如醉，癲則卒然暈倒，咬牙作聲，吐涎沫，不省人事，隨後醒。

癲癇又與中風不同。綱目曰：癲癇仆時，口中作聲，將醒吐涎沫，省後又發，時作時止而不休息。中風中寒中暑尸厥之類，則仆時無聲，省時無沫，後不時發。

狂病原由。內經曰：怒狂生于陽也。陽氣者，因暴折而難決，故善怒也。病名曰陽厥。又曰：陽明病甚，則登高而歌，蓋以四肢爲諸陽之本，陽盛則四肢是，故能登高也。棄衣而走，以熱盛于身，故欲棄衣也。妄言罵詈，以陽盛則使人罵詈不避也。不欲食，故妄走也。又曰：邪入于陽則狂。又曰：陰不勝其陽則狂。

癲病異處。內經曰：多喜曰癲，多怒曰狂。難經曰：重陰者癲。



重陽者狂。入門曰癲者。異常也。精神痴呆。言語失倫。狂者。凶  
狂也。輕則自高自是。好歌好舞。重則踰垣上屋。又甚則不避水  
火。且欲殺人。此痰火壅盛而然也。直指曰。陽虛陰是則癲。陰  
虛陽是則狂。綱目曰。癲謂僵仆不省也。狂謂妄言妄走也。經  
有言。狂癲疾者。又言癲病為狂者。是癲狂為兼病也。醫鑑曰。  
癲者。顛倒錯亂于癇。于狂皆兼病也。故有癲癇癲狂之名。

治癲方十五

控涎丹

總治 甘遂去心 大戟去皮 白芥子 等  
今制 丸 湯下 七九 諸可十餘丸

琥珀散

又 琥珀 人參 茯苓 遠志 菖蒲 乳  
香 棗仁 珠珀 為衣

甘遂散

因痰 甘遂末一錢 猪心血和勻 將猪心切  
開入示于內 合以線縛 溫帝包煨熟 取藥入辰  
砂末一錢 和勻 分作四丸 每丸將所煨猪心  
煎湯化下 如大便下惡物即止 如不效再下一  
丸

寧神導痰湯

因怒 南星 半夏 枳實 赤苓 橘紅  
甘草 遠志 菖蒲 黃連 黃芩 朱砂

抱胆丸

因驚 水銀 二兩 砂 砂 乳香 各一兩 黑  
鉛一兩 半 將鉛入錫令化入水銀結成珠子  
次下乳香 砂 乘熱和勻丸 芡塞大空心井花  
水下 一丸 此丸亦治狂病

金箔鎮心丸

痰迷 胆星 一兩 雄黃 天竺黃 琥珀 硃砂 各  
五錢 牛黃 一兩 珍珠 各二錢 麝香 五  
分 蜜丸 金箔 為衣 薄荷湯下

清心溫胆湯

心虛 陳皮 半夏 茯苓 枳實 竹茹  
白朮 菖蒲 香附 當歸 白芍 姜黃連  
各一錢 麥冬 八分 川芎 遠志 人參 各  
六分 甘草 四分 姜 三片

歸脾湯

思慮 龍眼 棗仁 黃芪 白朮 人參  
扶神 木香 炙草 遠志 當歸 姜 棗  
心熱 黃芩 黃連 花粉 茯神 麥冬  
丹參 牛黃 芩蒲 遠志

芩連清心丸

胃寔 大黃 芒硝 枳寔 厚朴

承氣湯

滋陰寧神湯

陰虧 當歸 川芎 白芍 熟地 人參  
茯神 白朮 遠志 南星 各一錢 黃仁  
甘草 各五分 酒黃連 四分 姜 三片

歸神丹

病後二大塊砂二兩入猪心內燈草扎好  
蒸二炊久取出另研 東仁 茯神 人參  
當歸各二兩 西珀 姜遠志 龍齒各一兩

清心導痰丸

金箔 銀箔各二十片爲衣 酒糊丸每九  
九至二九 麥冬湯下 甚者乳香 人參湯下多  
夢不卧 棗仁湯下  
痰火 酒大黃 黃芩各四兩 青礞石同煨  
硝煨如金色 犀角 皂角 硃砂各五錢  
沉香二錢半 麝香五分 水丸硃砂爲衣水

活虎丹

久癲 活蝎虎一个剪取四足爪細研入硃砂  
冰片麝香各少許研勻先用礞石散控下痰涎  
次用薄荷湯調此藥作一服化下勿令病人知  
之恐不肯服也 此藥能補心神心全則病差

斷癰丹

復發 黃芪 鈎鈎 細辛 甘草各五錢  
蛇退一條燒存性 蟬壳全者四枚 牛黃一  
是 藥肉九 梧子大小兒服者茶豆大每二十

加味逍遙散

婦人 柴胡 酒當歸 酒白芍 白朮 茯  
苓各一錢 炙甘草五分 丹皮 山梔各八  
分 姜 薄荷葉

治狂方十九

山查丸

總治

生鐵落飲

又 先煮鐵落水入石膏三兩 龍齒 茯神 防風各一兩半 元參 秦艽各一兩 煎好入竹瀝

承氣湯

胃寔 大黃 芒硝 枳實 厚朴

驚氣丸

補瓊 附子 木香 橘紅 姜蚕 麻黃 天麻 葛根 白花蛇各五錢 蘇葉一兩

通泄散

冰片 麝香各五分 硃砂一錢為衣 蜜丸 圓眼大薄荷湯下一丸 風涎 瓜蒂末三錢加輕粉一匙水半合調勻 灌之良久涎自出如未出含砂一塊下咽即出

壽金丸

補魄 硃砂 壽金 白礬

苦參丸

又 苦參一味蜜丸每十九薄荷湯下

牛黃解熱丸

熱入血室 牛黃錢半 硃砂 壽金 丹皮 各三錢 冰片 甘草各一錢 蜜丸

當歸承氣湯

火盛 當歸 大黃各一兩 芒硝七錢 甘草五錢 共為末每兩加姜五片煎寸枚

狂方

卷七

黃連瀉心湯

又黃芩二兩黃連一兩生地一兩知母各一兩

牛黃瀉心湯

又甘草五錢共為末每五錢水煎  
錢共為末每三錢姜汁蜜水調下  
極延生湯一名南

清心滾痰丸

痰結酒大黃黃芩各四兩礞石全焰硝  
犀角皂角硃砂各五錢沉香二錢  
牛麝香五分水丸此即上清心導痰丸

鐵粉散

痰迷真鐵粉半夏南星白附子羌  
活各二兩生川烏一兩半硃砂琥珀  
白姜蚕各一兩枯礬五錢全蝎五十個  
金箔三十片共為末每四錢姜汁調下或水  
調亦可本事方曰鐵粉不但化痰鎮心至于  
摧抑肝邪特異若多患怒肝邪本盛鐵粉能制  
伏之也

鎮心丹

失心硃砂枯礬等分水丸芡子大每一  
九參湯下

葉氏雄朱丸

又硃砂雄黃各一錢半白附子一錢  
猪心血丸另用硃砂為衣每五九七九丸人  
參菖蒲湯下無人參黃芪代之

辰砂寧志丸

勞神 辰砂二兩用酒二升煮酒存二盞留用  
姜遠志 菖蒲 棗仁 乳香 當歸 茯

苓 茯神各七錢 人參五錢 猪心一个研

如泥并酒九臨臥煮湯下

寧志化痰湯

又 天麻 胆星 半夏 陳皮 茯苓 姜黃連  
煎服再服養血清心湯

養血清心湯

又 當歸 生地各一錢半 人參 白朮  
姜遠志 茯神 棗仁 川芎各一錢 甘草  
五分

辰砂散

不附 塊硃砂一兩 棗仁 乳香各五錢  
服法詳上癰方中

通治癲狂方五

清心滾痰丸

痰火 方詳上

牛黃清心丸

又 方詳上

鐵粉散

風痰 方詳上

鬱金丸

又 方詳上

心 狂方 癲狂通治方

辰砂散

不寐方詳上

諸汗源流

涕淚涎唾

沈金鰲撰

雖則汗出。醒則俟收。名曰盜汗。不分寤寐。不因勞動。自然汗出。名曰自汗。

諸汗。心虛病也。汗者。心之液。故其為病。雖有別因。其原總屬於心。然腎又主五液。心陽虛。不能衛外。而為固。則外傷而自汗。亦腎陰衰。不能內營。而退藏。則內傷而盜汗。故汗之病。端屬心。汗之根。未有不兼由心與腎。且腎陰既衰。心血必不足。以精即是血。心虛必本於腎虛。腎虛必至於心虛也。而自汗盜汗。二者又有冷熱之分。寒氣乘陽虛而發汗。必冷。熱氣乘陰虛而發汗。必熱。又有熱火過極。反兼勝已之化者。汗亦冷。此不可不細辨也。夫汗固為心與腎二經之虛。其是五臟虛衰。皆能致汗。其端由心虛而汗者。法當益其血脉。宜當歸六黃湯其端由腎虛而汗者。法當助其封藏。宜五味子湯若由脾虛而汗。則必固其皮毛。宜黃芪六一湯由肺虛而汗。則必壯其中氣。宜補



中蓋由肝虛而汗。則必禁其疏泄。宜白芍湯五臟所致之汗各有治法。如此然此皆五臟之氣先虛而後汗出。非汗之出分屬於五臟也。經云驚而奪精。汗出于心。宜遠志。栢子仁。持重遠行。汗出於腎。宜人參。肉桂。疾走恐懼。汗出于肝。宜棗仁。山藥。搖體勞苦。汗出于脾。宜人參。白朮。飲食過飽。汗出于胃。宜陳皮。白朮。則又當因乎汗之由以分治其臟腑。至若肺主氣。又主皮毛。肺虛則表不能衛。而汗從肺自出。宜玉屏風散。思慮太過。當心一片津津。而汗從心自出。宜天王補心丹。名曰心汗。胃家虛。水穀氣脫散而汗從胃自出。宜補氣運脾丸。邪在內。元府不開。而汗從腎自出。宜無比山。邪在表。腠理不閉。而汗從經絡出。宜調榮活絡飲。又皆臟腑兼及之。藥丸。邪在表。陽氣血之際。尤不容不察。蓋陰虛者。陽必奏。故發熱餘症也。而陰陽氣血之際。尤不容不察。蓋陰虛者。陽必奏。故發熱自汗。宜當歸六黃湯。陽虛者。陰必乘。故發厥自汗。宜黃芪建中湯。肌膚濇而尺脉滑。榮血自涸者。必多汗。宜當歸六黃湯。氣虛而陽弱者。必體倦自汗。宜黃芪建中湯。氣

不順者必多汗。

宜小建中湯加白芍。內桂、木香、甘草、姜、棗。

陰陽偏勝者必多汗。

宜黃芪湯。陰

火盛者必多汗。

宜正氣湯。臟腑之陰拒格衛氣浮散于外無所依歸者。

必多汗。

宜玉屏風散。

諸虛不足羸瘠枯瘦心忪驚惕者必多汗。

宜牡蠣散。病

後氣血俱虛者必多汗。

宜十全大補湯。

審乎此而陰陽氣血各得其理矣。

他如津脫者汗大洩。

宜調衛湯。

痰盛者汗自流。

宜理中降痰湯。

火氣上蒸冒濕

者必作汗。

宜涼膈散。

表虛者汗出漙漙。

宜丹溪治汗湯。

濕勝者汗疹肌肉。

宜調衛湯。

胃熱者多於食後汗下如雨。

宜二甘湯。

飲酒中風者惡風少氣汗出如

浴。內經謂之漏風其狀或多汗常不可單衣。食則汗出甚則身熱。

喘息衣常濡口乾善渴不能勞事者。

宜白朮散。

以上七症悉自汗之患。

所當治者也。惟汗出如珠如油如膠淋漓而揩拭不逮者皆不可

治。人有汗出額上偏多者以頭爲諸陽所會故蒸熱而汗此就無

病者言之也。又以左頰屬肝右頰屬肺鼻屬脾額屬腎額屬心三

焦之火。涸其腎水。溝渠之水。迫而上。屬于心。故血虛而偏多汗。此

就有病者言之也。宜額汗方若頭汗出。齊頸而還。則為血症。宜四物湯加減濕

邪。瘧陽亦汗出頭額。宜赤用勝湯水結胸無大熱。亦汗出頭額。宜

半夏湯加茯苓。陽明胃寔。亦汗出頭額。宜調胃承氣湯而又有手足汗者。液自胃

府旁達于外。則手足自汗。有熱聚胃府。逼而出之者。此陽明病也。

必當下。宜大柴胡湯有手足汗。用涼藥補藥俱不效者。此陰陽不和。經

絡不調也。宜八物湯加半夏茯苓為君有兩腋汗。脚心汗。久不愈

者。此濕熱流注也。宜牡蠣丹而又有陰囊汗者。則為腎虛陽衰。宜安腎丸

腎有陰囊汗出。久而生瘡。其痒甚苦。搔之不足。後必白痛者。則為

濕熱流注。宜牡蠣丹而又有血汗者。汗出汚衣。甚如蘇木水。前染即內

經之。鐵症則由胆經受熱。血遂妄行。又與手少陰氣并。故成此症。

宜定命散亦或由大喜傷心者。則以喜必氣散。血隨氣行。故成此症。宜黃

建中湯兼用小麥麥門冬亦或有產婦血汗者則以氣血虧耗

也宜銀器煎湯調下妙香散

皮宜散而又有黃汗者則以汗出時入水澡浴濕熱內鬱之故

陳另詳黃疸門若乃汗多不止真陽亡脫名曰亡陽症其身體必

冷多成痺寒或四肢拘急

亡陽症必致頭眩身重

寢汗出憎風蒸腎傷則陽衰陽衰則衛虛所虛之衛行于陰分當

目瞑之時無氣以固其表則腠理開而盜汗出醒則行陰之衛氣

復于表而盜汗止法當益氣補陰降火則自愈

或盜汗此其大較也或有緣陰火盛者

良方或有緣氣血兩虛者

散或有緣氣血兩虛者

同而源則異以上總指盜汗言然則自汗盜汗烏容忽視之也哉

脈法內經釋曰尺膚滑而尺脉滑此自汗而血涸津脫也

諸汗

脈訣曰。汗脈浮虛。或濇或濡。軟散洪大。渴飲無餘。又曰。肝脈浮虛。或濡或濇。自汗在寸。盜汗在尺。仲景曰。寸脈微。尺脈緊。其人虛損多汗。知陰常在。絕不見陽也。又曰。傷寒脈浮而遲。面熱赤而戰惕者。當汗出解也。脈遲者爲無陽。不能作汗。其身必痒。脈經曰。男子平人。脈虛微細者。喜盜汗出。

汗卽津液。內經註曰。腠理發泄。汗出溱溱。是爲津。津滲於孔竅。留而不行者。是爲液。資生曰。津脫者。腠理開。汗大泄。液脫者。骨屬屈伸不利。色夭。腦髓消。脛痠耳數鳴。東垣曰。六腸主津。小腸主液。二腸受胃之榮氣。乃能行津液於上焦。灌溉皮毛。充寔腠理。若飲食不節。胃氣不足。二腸無所稟受。故津液涸竭也。

汗因濕熱。內經註曰。陽氣上薄。陰能固之。則蒸而爲汗。難

經曰腎邪入心爲汗。正傳曰心爲君火脾胃爲濕土此濕熱相薄而爲汗明矣。綱目曰衛氣虛則多汗榮血虛則無汗矣。丹溪曰風病多汗風散氣故也痰症亦多汗頭眩嘔逆也火氣上蒸胃中之濕亦作汗。

諸汗症治。內經曰汗出偏沮使人偏枯。正傳曰盜汗者陰虛榮血之所主也宜補陰降火。明理曰頭者諸陽之會邪搏諸陽津液上凑則汗見于頭。本事曰頭者三陽之會蓋三陰之脉至胸而還凡有頭汗出自是陽虛故曰汗出爲陽微是陰不得有汗也。得效曰凡心脈汗大人乃心血溢盛而常發赤者是也。小兒因驚得之有人患心脈盜汗久不止用參歸腰子以收斂心血遂愈其方人參當歸各五錢猪心一个破作數片并心內血以水二碗先煮猪心至一碗半乃入二藥同煎至八

分取清汁卽吃猪心以汁送下。令盡。入門曰。凡發汗過多。則陽虛不固。汗出多。則津液亡。而小便難。四肢者。諸陽之本。液脫者。骨屬屈伸不利。是以四肢拘急也。仲景曰。柔汗發黃。爲脾絕。釋云。柔爲陰。柔汗卽冷汗也。一云油汗卽黏汗也。醫鑑曰。內經言絕汗。註謂汗出如珠不流。復旋轉也。蓋以六陽氣俱絕。絕汗乃出。朝占夕死。夕占朝死。東垣曰。凡內傷及一切虛損之症。自汗不止者。總用補中益氣湯。少加附子。麻黃根。浮小麥。其效如神。但升柴必用蜜水製炒。以殺其升發。勇悍之性。又欲其引參芪等藥至肌表也。又曰。仲景桂枝湯治外感風邪。自汗之聖藥也。黃芪建中湯治外感氣虛。自汗之神劑也。補中益氣湯治內傷氣虛。自汗之妙方也。

汗出凶症 直指曰。傷寒熱病。汗出髮潤。一不治也。汗出如油。

二不治。汗凝如珠。三不治。入門曰傷寒熱病。頭汗如珠不流。

者。陽脫卽死。活人書曰。傷寒陽病自汗有九症。皆有治法。陰

病不得有汗。惟陰毒則額上手背有冷汗。甚者如水洗。此是陽

虛陰盛。亡陽而將脫也。其死必矣。按汗出而症。一切病皆然。不特傷寒熱病爲忌也。因前

人祇于傷寒熱病詳言之。故雖非言傷寒。亦借錄其語于此。以爲凡病有自汗。而症者亦知所忌也。

禁忌法。活人書曰。冬月天地閉。血氣藏。縱有病。亦不宜多出

汗。按不宜多出。汗言不宜用藥使之多汗也。丹溪曰。自汗。大忌生姜。以其開腠

理故也。又曰。凡有汗。一切辛辣之味。五辛之屬。並忌食之。

涕淚涎唾。五臟所出。或爲病。或不爲病也。難經曰。腎主五液。分化

五臟入肝爲淚。入心爲汗。入脾爲涎。入肺爲涕。自入爲唾。然則汗

涕淚涎唾五者。雖皆由腎灌施。而既灌施各臟。則卽爲各臟之液。

也。入心之汗。已詳言之。若夫涕者。由肺所出。或清或濁。皆肺之病。



也。如肺傷風。則流清涕。宜川芎茶調散肺傷熱。則流黃濁涕。如膿狀。甚或

大如彈丸。從鼻中出。不出。損肺而死。宜黃連清肺散肺傷寒。則流厚濁涕。

宜參蘇飲肺兼傷風熱。亦流濁涕。宜白湯肺氣冷。亦流清涕。宜牛夏然

而肺系上通于腦。故鼻淵一症。則為腦病。其原皆由肺經感受風

寒。久而凝入腦戶。太陽濕熱。又為蒸鬱。宜辛夷消風散或好飲熱熾。風邪

相乘。而風與熱交結不散。宜辛夷荆芥散皆能成此症。以致濁涕下不止。

經又云。胆移熱于腦。則辛額鼻淵。是病更兼屬乎胆者也。宜奇授

其款另詳于鼻門。淚者。由肝所出。其因悲哀愁哭。而淚出不為病

者。無論已至如迎風淚出。宜加味地黃丸隱滴淚出。宜芎歸明目丸羞明淚出。宜羞

明立勝散皆肝之病也。蓋肝發竅于目。靈樞謂目者肝之所聚。上液之

道。則使宗脈有所感而成病。必液道開。液道開而淚于是出矣。其

緣乎迎風者。肝陰虧。血不能榮。及乎睛。故為風邪所搏。而淚出也。

其緣乎隱。隱者肝經熱邪上達于本竅而烏珠正屬肝其熱邪遂由本竅而攻擊乎所屬故本經之氣不勝而淚出也其緣乎羞明者肝屬木木本生火肝主風風勢更疾今在內之風木為外來之風火所觸故反受其制而淚出也肝與胆相表裏故胆熱者亦淚出。宜湯出。宜湯老人火盛水虧胆汁慳者哭則無淚笑反有淚。宜養肝丸是病亦兼屬乎胆者也其款另詳于目門。淚者由脾所出從口角流溢而不禁者是也。淚與痰同為火盛所生故曰痰淚。淚與沫同為水濕所聚故曰涎沫而痰也沫也涎也同伏于脾脾與胃相表裏故伏于脾者溢于胃口為胃之門戶故溢于胃者流于口由內出外自相連屬其或時吐清水冷涎自下涌上脾熱所致也。宜陳加白朮白芍土炒升麻芩連山其或涎自兩腮流出而不自知。梔神曲麥芽乾姜或煎或丸服。宜六君子湯倍茯苓睡則更甚氣弱不能斂攝也。宜六君子湯倍茯苓其或涎流不已脉

洪大甚兼喜笑舌瘡土病而反傷乎母也。宜沈氏止涎湯其或始而口角

流涎漸至口眼喎斜木不能尅土致受脾熱反傷而肝風轉助爲

災也。宜用通天愈風湯送下夫脾與胃相表裏如靈樞謂飲食入

于胃胃中有熱則虫動虫動則胃緩胃緩則廉泉開而涎下。宜烏梅丸

去人參附桂是病更兼乎胃也而不得專取脾唾者由腎所出凡

合平胃散服人口曰華池口中津唾曰玉泉舌曰靈根黃庭經謂玉泉清水灌

靈根審能修之可長存修煉家以舌抵上腭則津唾滿口嚥之足

以滅火足以養心此唾之無病且可却病者也若胃中有寒則多

唾。宜理中丸陽明正府有積冷則多唾。宜理中丸胃家有濕滯則

多唾。宜益智仁胃中有宿食則多唾。宜平胃散加神曲大病新愈胃陽

未復則喜唾不休。宜理中丸虫症往來痛五更心嘈牙關硬面色

青黃則多唾或吐清水。宜益智仁其或肚大青筋時痛時止人中鼻

唇一時青黑亦多唾

宜萬應丸

又或往來痛無休腹中有塊起以手按

之不見鍾聚痛則咬心亦多唾

宜蕪黃散

另詳重門茲撮其略以上皆

病之兼乎胃者以唾爲腎液而腎爲胃關故腎家之唾爲病必見

于胃也若乃腎寒則多唾

宜溫腎丸

腎虛亦多唾

宜虎潛丸

則腎本經病然

則此五者固卽五臟之津液而猶不免於病焉謹身之士盡亦加

之意也夫

涕淚涎唾原山形症

直格書曰積液生氣積氣生液

朱子

語類曰或問曰天一生水有可驗乎曰人身可驗矣貪心動則

津生哀心動則淚生愧心動則汗生忿心動則精生方人心寂

然不動時則太極也此心之動則太極動而生陽所以心一動

而水生卽可以爲天一生水之証也資生曰水穀入于口輸

於腸胃其液則爲五天寒衣薄則爲尿與氣天熱衣厚則爲汗

悲哀氣并則爲泣。中熱胃緩則爲唾。邪氣內逆則氣爲之閉塞。而不行。不行則爲水脹。靈樞曰。液者。所以灌精。輸孔竅者也。故上液之道開則泣。泣淚也泣不止則液竭。液竭則精不灌。精不灌則目無所見矣。命曰奪精。內經曰。泣涕曰腦也。腦者陰也。腦滲爲涕。延壽書曰。真人曰。當習不唾地。蓋口中津液。是金漿玉醴。能終日不唾。嘗吞而嚥之。令人精氣常流。面目有光。蓋人身以津液爲本。在皮爲汗。在肉爲血。在腎爲精。在口爲津。伏脾爲痰。在眼爲淚。曰汗曰血曰淚曰精。已出則皆不可回。惟津唾則獨可回也。回則生生之意又續矣。有人喜唾。液乾而體枯。遇至人教以回津之術。久而體復潤。

### 治汗方四十四

當歸六黃湯

總治 當歸 黃連各一錢

熟地 生地 黃芪二錢

黃芩

黃柏

五味子湯

腎汗 五味 山萸 龍骨 牡蠣 首烏 遠志 五倍子 地骨皮

黃芪六一湯

肺汗 黃芪六錢 炙草一兩 共為末每五錢煎服

補中益氣湯

脾汗 人參 黃芪 歸身 白朮 升麻 柴胡 陳皮 甘草

白芍湯

肝汗 白芍 秦仁 烏梅

天王補心丹

心汗 人參 五錢 當歸 五味子 天冬 麥冬 秦仁 柏子仁各一兩 茯苓 遠志

肉 丹參 元參 桔梗各五錢 熟地四兩 黃連二兩 蜜丸 硃砂為衣 燈心竹葉湯下 三錢

玉屏風散

衛氣汗 防風 黃芪各一兩 白朮二兩 共為末每服五錢加姜三片煎

補氣運脾丸

胃汗 人參二錢 白朮三錢 茯苓 橘紅 各一錢半 黃芪一錢 砂仁八分 炙草四分 半夏一錢無痰不用 姜三 素二

無比山藥丸

腎虛 赤石脂 英神 山萸 熟地 巴戟 肉 牛膝 澤瀉各二兩 虎絲子 杜仲

山藥各三兩 蜜丸酒下三錢 茯苓 藜蘆各一兩 五味子兩半



調榮活絡飲

經絡汗 大黃 當歸 牛膝 杏仁泥各二錢 赤芍 紅花 羌活 生地各一錢 芎錢半 桂枝三分

黃芪建中湯

陽虛 黃芪 肉桂各錢半 白芍三錢 炙甘草一錢 蝦姜三片 棗二枚 飴糖一茶匙 若嘔及便澀不用飴糖

芪附湯

氣虛 黃芪 附子各二錢 姜十片

十全大補湯

病後 肉桂 炙草 黃芪 白芍 當歸 川芎 人參 白朮 熟地 茯苓 姜 棗

調衛湯

津脫 麻黃根 黃芪各一錢 羌活七分 歸尾 生甘草 黃芩 半夏各五分 麥冬 生地各三分 猪苓二分 蘇木 紅花各一分

理中降痰湯

痰盛 人參 白朮 茯苓 甘草 半夏 乾姜 蘓子 火蒸

涼膈散

白朮散

酒風 牡蠣三錢 白朮一兩二錢半 防風 一兩半 頭汗 川芎 當歸 地黃 白芍

四物湯

額汗方

額汗 丹參 當歸 茯苓 地黃 棗仁  
黃芪 白芍 圓眼

黃芪湯

陰陽偏勝 蜜黃芪二錢二分 生地 麻黃  
根 茯苓 天冬各一錢半 當歸錢二分  
麥冬一錢 五味子 浮麥 甘草各七分  
防風五分

正氣湯

陰火 炒知母 黃柏各錢半 炙草五分

二甘湯

胃熱 生甘草 炙甘草 五味子 烏梅  
等分共為末每五錢加姜二片 水二枚煎

丹溪治汗方

表虛 防風 黃芪 白朮 牡蠣粉 麻黃  
根 等分

除濕湯

濕邪 蒼朮 厚朴 半夏各錢半 藿香  
陳皮各七分半 甘草五分 姜七 棗二  
水結胸

小半夏湯

胃寒

調胃承氣

手足汗

八物湯

牡蠣丹

又牡蠣粉 黃丹各二兩 枯礬四兩 共  
為末遇夜用手捏藥擦汗處數次愈

奪命散

血汗 硃砂 寒水石 麝香 等分為末每  
五分新汲水調下 又名定命散



妙香散

又 茯苓 茯神 山藥 黃芪 姜遠志各一兩 人參 桔梗 甘草各五錢 共為細末每

錢 木香二錢半 麝香一錢 二錢蓮肉煎湯調下酒亦可

又 刺猓皮燒灰每米飲調下二三錢肉煮食

猓皮散

之更妙

芪陳湯

黃汗 石膏二錢 黃芪 赤芍 茵陳草 麥冬 豆豉各一錢 甘草五分 姜五片

大柴胡湯

手足汗 柴胡 黃芩 白芍 大黃 枳實 牛夏 麥 棗

安腎丸

囊汗 胡蘆巴 補骨脂 川棟肉 茴香 續斷各一兩半 杏仁 桃仁 山藥 茯苓 各一兩 蜜丸鹽湯下 又有三味安腎丸補

骨脂茴香乳香等分蜜丸鹽湯下

桂枝附子湯

亡陽 桂枝 附子 白芍 炙草 姜 棗

陶氏再造散

又 人參 黃芪 桂枝 附子 細辛 羌活 防風 川芎 炙草各一錢 姜三 棗

煎至半入炒芍藥一錢再煎二三沸溫服

四製白朮散

盜汗 白朮四兩分四包以黃芪石斛牡蠣小 麥麩各一兩各炒白朮為黃色只取白朮為末 每三錢粟米湯調下盡服為妙

牡蠣散

又煨牡蠣 黃芪 麻黃根 等分剉每五錢浮麥百粒同煎服 又方牡蠣粉白木防風等分爲末酒服三錢盜汗卽止

參芪湯

又人參 黃芪 白朮 茯苓 山藥 陳皮 葛根 半夏曲 甘草各一錢 當歸 熟地 生地 酒白芍 白朮 茯苓 蜜黃芪各一錢 蜜黃柏 蜜知母

當歸地黃散

陳皮各八分 人參五分 甘草三分 棗一

龍膽散

又龍胆草 防風 等分爲末每一錢臨卧米湯調下

治涕淚涎唾方二十八

川芎茶調散

風涕 川芎 薄荷 羌活 荆芥 甘草 白芷 防風 細辛 爲末茶調下

黃連清肺散

熱涕

參蘓飲

寒涕 人參 紫蘓 葛根 半夏 前胡 桔梗 枳殼 陳皮 木香 甘草 姜 棗

荆防瀉白散

風熱涕 花元參 赤芍 防風 連喬 桔梗 金銀 皮 青黛 葛花 亦名荆防瀉白湯

半夏溫肺湯

肺冷 半夏 細辛 旋覆花 陳皮 肉桂  
心 人參 桔梗 白芍 甘草 各一錢 赤  
苓六分 姜五片

辛夷消風散

風濕蒸 辛夷 黃芩 薄荷 甘菊 川芎  
荊芥 桔梗 防風 甘草 生地 赤芍

辛夷荊芥散

酒濕 辛夷一錢 荊芥 黃芩 神曲 南  
星 半夏 白芷 蒼朮 各八分

奇授藿香散

胆熱 廣藿香五錢 水一碗煎七分加猪  
胆汁一个和服 若將胆汁熬膏入藿香末一  
兩丸湯下二錢亦可

加味地黃丸

迎風濕

芎歸明目丸

隱瀉 川芎 當歸 白芍 生地 牛膝  
甘草 杞子 天冬 甘菊 外障加木賊草  
內障加珍珠

羞明立勝散

羞明 川連 秦皮 防風 黃芩

湯泡散

胆熱 淚 赤芍 當歸 黃連 各一錢 湯泡  
時洗

養肝丸

老人 當歸 防風 川芎 相寔 蕤仁  
熟地 白芍 車前子

明目四神丸

脾熱瀝 茯苓 甘草 半夏 陳皮

二陳湯

六君子湯

氣弱 人參 茯苓 白朮 炙草 半夏  
陳皮

沈氏止瀉湯

心熱瀉 川連四分 黃柏八分 茯苓 茯  
神各一錢半 白朮 蒼朮 半夏各一錢 茯  
姜炒陳皮五分 加竹瀝姜汁各三匙 此余  
白製方也

通天愈風湯

肝風 白朮錢半 人參 南星 貝母各一  
錢 連喬 防風 荆芥 威靈仙 甘草各  
五分 瓜蒌仁十五粒去壳打如泥 剉作一  
貼加姜三片水煎好入制瀝一呷生姜自然汁  
少許溫服 卽以此湯送下清心導痰丸亦可

清心導痰丸

又 姜南星 姜半夏各二兩 花粉 白附  
子姜製各一兩 炒黃連 鬱金 各七錢半  
炒姜蚕 天麻 羌活各五錢 臨製川烏二  
錢 姜汁打糊丸

烏梅丸

川椒 烏梅十五个 黃連七錢半 當歸  
細辛 附子 人參 肉桂 黃柏各  
弟戾延垂方

三錢 醋浸烏梅取肉搗如泥研勻九米飲下

二三十丸

又 蒼朮 厚朴 陳皮 甘草

平胃散

寒唾

理中丸

濕滯

勝濕湯

追虫取積丸

虫唾 燕莢 雷丸 錫灰 使君子肉 檳榔 牽牛子頭末 大黃 鶴虱 木香 等分 蜜丸 麻子大茶清下二三十丸

萬應丸

又 大黃八兩 檳榔五兩 黑牽牛頭末四兩 共為末以皂角十錠苦楝根皮一斤同熬膏和丸 梧子大先用沉香末為衣次用雷丸末為衣又用木香末為衣五更時以砂糖水吞下七丸九丸

燕莢散

溫腎丸

又 燕莢 雷丸各五錢 乾漆炒令烟盡一錢 共為末溫水調下二錢 小兒五分 錢 熟地錢半 牛膝 肉蓯蓉 巴戟 五味子 麥冬 炙草各八分 茯苓 炒杜仲 乾姜各五分

虎潜丸

腎虛 龜板 黃柏各四兩 熟地 知母各  
三兩 白芍 當歸 瑣陽各二兩 陳皮  
虎骨各一兩 乾姜五錢 酒糊丸 如加人  
參牛膝山藥破故紙杜仲五味子兔絲子杞子  
猪脊髓丸各加味虎潜丸大補心腎虛勞

小腸病源流

小腸氣 小腸疝

沈金鰲撰

手太陽小腸脈起於小指之端循手外側上腕出踝中直上循臂骨下廉出肘內側兩筋之間上循臑外後廉出肩膊繞肩胛交肩背上入缺盆絡心循咽抵臑至胃到小腸其支者從缺盆循頸上頰至目銳眦却入耳中其支者別頰上頰抵鼻至目內眦斜絡於頰次注足太陽膀胱經每未時氣血至小腸手太陽小腸經少氣多血

經曰小腸者受盛之官化物出焉其爲器亦止爲胃役使特以與心絡並行隧道又與足太陽膀胱連經故亦以三陽歸之非謂其職能與足太陽並列也僅一拈太陽卽以小腸膀胱並舉不知要矣所以小腸之職任與大腸相倣大腸之腑無靈小腸亦無靈大腸之經非當陽之用小腸亦非有巨陽之用經故俱以器目之也惟小腸與大腸皆爲胃化物之器故其病亦與胃同惟本經與心絡並行隧道故本經病亦延及于心然亦止在經絡而已無與于心之臟也其爲病寔則噎痛頰腫不可以顧肩似拔牖似折節弛

肘廢小水不利及赤或澹痛尿血虛則遺尿面白苦寒耳前熱小腸氣生肌小者患指痂疥虛寒之病各有別矣至遺溺閉癰更有由肝所生病及膀胱不約者固不盡由小腸也各詳本症

小腸形質 靈樞曰唇厚人中長以候小腸又曰心應脉皮厚者脉厚小腸亦厚皮薄者脉薄小腸亦薄皮緩者脉緩小腸大而長皮薄而脉小者小腸小而短諸陽經脉皆多紆曲者小腸結 入門曰凡胃中腐熟水穀其滓穢自胃之下口傳入于小腸上口自小腸下口分別清濁水液入膀胱上口滓穢入大腸上口難經以大小二腸之會爲闢門言關闢分隔也

小腸症治 靈樞曰中氣不足腸爲之苦鳴又曰小腸病者小腹痛腰脊控睪而痛時窘之後當耳前熱 內經曰小腸爲泄入門曰小腸有氣則小腹痛小腸有血則小便澹小腹有熱



則莖中痛。又曰小腸者心之府也。有病宜通利。

小腸絕候 脉經曰小腸絕六日死。何以知之。髮直如乾麻。不得屈伸。自汗不止。

小腸氣小腸經病也。小腹引羣丸連腰脊而痛。小腸虛風冷乘間而入。邪氣既寔。則厥而上冲肝肺。控引羣丸上而不下也。宜棟寔丸胡蘆

散千金方以爲瘻疝有四種。其一腸瘻。卽小腸氣吊外腎偏墜腫

痒。故綱目等書多因其說。并云得之于地氣卑濕。亦當脩泰而其

爲症有甚而熱痛。小便不通者。宜加味通心飲有年久不愈者。宜橘核丸有莖

囊抽痛。不可忍耐者。宜立效散楊氏麝香元四味茴香散各宜詳究。

脉法 正傳曰肝脉滑甚爲瘻疝。小腸氣痛。

小腸氣症治 綱目曰大抵小腸氣屬濕多。故江淮間多有之。

宜以去濕之劑下之。以苦堅之。不可溫之補之。

小腸瘕。小腸火熱病也。或因七情飲食。或因經行產後。瘀血留積。其症發熱惡寒。脉扎而數。膚皮錯縱。腹急漸腫。按之內痛。大便重墜。小便滯滯若淋。或小腹隱痛堅硬如掌而熱。肉色如故。亦或癰赤微腫。甚者臍突腹脹。轉側有水聲。宜大黃湯如瘀血去盡。則安矣。若體虛脉散。不敢輕下。用輕劑可也。宜活血散瘀湯瘕已成。則腹痛腹滿。不食便淋刺痛。宜芍藥湯腹濡痛。小腹急。必時時下膿。宜丹皮散瘕後疼痛淋瀝不已。必見諸虛症。宜參芪地黃湯此病亦不可驚。防腸斷。坐卧轉側皆宜徐緩。嘗少進稀粥。靜養調理為要。但古方書但載腸瘕。無大小之別。故其治法亦約畧相仿。參考可也。

脉法 脉訣曰。關內逢扎腸裏瘕。

小腸瘕症治 瘍科選粹曰。若小腹硬痛。脉遲緊者。未有膿也。用大黃湯下之。不敢下者。用敗毒散加秦艽連翹。脉扎澁者。四

物湯加桃仁紅花延胡索木香小腹軟痛脉洪數者已有膿也。用薏苡仁湯排之。或三仁湯神效。瓜蒌湯。小腹痛。疼痛。小便不利。膿壅滯也。牡丹皮散主之。若大便或臍間出膿者不治。

治小腸病諸藥要品及方二

小腸寔宜滲利

茯苓 甘草 知母 黃連 麥冬 童便  
木通 黃柏 牛膝 黃芩 生地 燈心

小腸虛宜補氣

琥珀 瞿麥 石膏 滑石 山梔 紫苑  
陳皮 車前 赤豆 扁豆 海金沙  
人參 黃芪 山萸 麥冬 金櫻子肉  
五味 牡蠣 茯苓 茴香 益智仁肉  
白芍 梗米 漚而便膿血加赤石脂

導赤散

小腸熱 生地 木通 甘草各一錢 竹  
葉七片 此治小腸熱而小便不利者

赤茯苓湯

又 赤苓 木通 生地 檳榔 黃芩  
赤芍 麥冬 甘草各一錢 姜五片

附載仲景分別標本方藥

標

茯苓 石膏

本導赤散 淡竹葉 木通 甘草

治小腸氣方七

棟寔丸

總治 川棟子 茴香 吳萸 陳皮 馬蘭  
花 芫花 醋糊丸每服一錢漸加至二錢溫  
酒送下如不用酒淡姜湯下

葫蘆巴散

又 葫蘆巴 益智仁 大茴 蓬朮 牽牛  
子 山萸肉 酒牛膝 川斷 川芎 防風  
甘草 共為末每二錢酒下

加味通心飲

熱痛 瞿麥 木通 山梔 黃芩 連翹  
枳壳 甘草 川棟子 各一錢 燈心二十莖  
車前草五葉

橘核丸

久痛 炒橘核 鹽酒炒海藻 鹽酒炒昆布  
鹽水洗海帶 麩炒桃仁 炒川棟子 各一兩  
酒炒延胡索 厚朴 枳實 肉桂 木香  
木通各五錢 酒糊丸或鹽湯下六七十  
丸 如久不消如醋煮稠砂二錢 此方總治  
一切癰疽疔核腫脹偏有大小或硬如石或小  
腹絞痛甚則囊腫潰爛出黃水無不效  
如小腸氣新發者不必此方只用橘核一錢半

桃仁十五个 山梔一錢 炮川烏 吳茱萸

各五分 各炒為粗末 水煎 此名橘核散

橘核 單止痛 川烏散 寒濕 除濕熱 又引川

烏 速下 不令胃中停留 用之甚捷

抽痛 全竭 七服 砂仁三七枚 荷香一錢

共為末 分三服 熱酒調下 空心即效

又 木香 胡椒 各一兩 炒全蝎 巴霜 各

四錢 麝香一錢 蒸餅 充麻子 大珠 砂為衣

熱水下 五七丸 此方能尋諸處痛 凡小腸氣

及膀胱氣 腸下痛 最難治 此藥主之 青皮 茴

四味茴香散 各一兩 共為末 每二錢發時 酒下

治小腸瘕方十

大黃湯 初起 熟大黃 芒硝 各一錢 丹皮 白芥

子 桃仁 各二錢

活血散瘀湯 又 川芎 當歸 赤芍 菴木 丹皮 枳

壳 木瓜 桃仁 各一錢 枳榔 六分 炒大

黃二錢

苡仁湯 已成 苡仁 瓜蒌仁 各三錢 丹皮 桃仁

各二錢 白芍 一錢

丹皮散 下 鹿 人參 丹皮 白芍 茯苓 苡仁

黃芪 桃仁 白芷 當歸 川芎 各一錢

小腸 小腸氣 小腸氣 小腸氣

肉桂 甘草各五分 木香三分

參芪地黃湯 補益 人參 黃芪 茯苓 熟地 山藥

敗毒散 下毒 山萸 姜 棗

四物湯 下瘀 川芎 當歸 白芍 地黃

三仁湯 下膿 苡仁二錢半 冬瓜仁 桃仁 丹皮

神效瓜蒌湯 又 瓜蒌一個 當歸 甘草各五錢 乳香

牡丹皮散 又 丹皮 人參 天麻 茯苓 薏苡仁

黃芪 桃仁 白芷 酒當歸 川芎各一錢

炙甘草七分

膀胱病源流

膀胱氣 轉胞症

沈金鰲撰

足太陽膀胱脉起于目內眥上額交巔其支者從巔至耳上角其直者從巔入絡腦還出別下項循肩膊內挾脊抵腰中入循脊絡腎屬膀胱其支者從腰中下挾脊貫膈入膈中其支者從膈內左右別下貫脾挾脊內過解脛循胫外從後廉下合膈中以下貫踰內出外踝之後循京骨至小指外側次注足少陰腎經每日申時周身氣血俱注於膀胱足太陽膀胱經少氣而多血

膀胱本州都之官藏津液州都者下邑也遠於京師且津液必待氣化而後能出則其爲器有不得與諸陽並者乃其經反納太陽何也以太陽起于少陰今歸之以陽故借納于此也其寔太陽爲三陽之主膀胱乃必待氣化而後能出則太陽豈膀胱能爲之耶後人不明經旨此謂膀胱爲太陽寒水以主寒令不知六氣之寒水惟腎能主之人身太陽之經既非寒令而膀胱之水亦非寒水固不可混也則膀胱之所以爲腑有可識矣試進詳之人身太陽

之經起於足上于巔腦及額顙內下于膺中包心肺皆太陽經所貫。太陽居六經之盛故爲巨陽而爲諸陽主氣。然以同衝氣起于少陰乃以其陽借納膀胱而膀胱雖居卑賤所以得稱太陽也。膺中爲心肺所居肺主皮毛心主血脉太陽之經既下膺中則皆與太陽合是以寒邪一犯太陽遂傷肺及心以犯皮毛血脉爲心肺之所合如皮毛慄慄鼻塞聲重畏寒無汗以及心煩皆太陽病而肺與心皆爲之變也。仲景治太陽傷寒設麻黃湯發汗以疏肺設桂枝湯和表止煩以寧心豈非治太陽卽以治太陰少陰且治太陰少陰正所以治太陽乎。是太陽一經寔兼攝手二陰矣。故其爲病寔則鼻塞頭痛目似脫淚出項似拔腰似折懈不可以曲腰如結胸如裂是爲痔瘡癩狂臍反出下腫便膿血肌肉痿少腹脹痛按之欲小便不得若虛則魋衄小便不禁遺尿膀胱氣皆其候也。



古人謂太陽病。并有時連及陽明。經曰。肝胆同歸津府。所以太陽  
厥陰同爲一治。又曰。膀胱腎合爲津液。腎所以主二便之難。此膀  
胱所以連及諸經而爲病也。故膀胱病。小便秘。不得任用熱藥。經  
又曰。胞移熱于膀胱。則爲遺溺閉癰。又曰。小腹膀胱按之內痛。若  
沃以湯。溺于小便上爲清涕。則爲胞痺。注云。胞內居之。則知胞居  
膀胱之內也。其胞痺之症。由風寒濕邪客于胞中。氣不能化出。故  
胞滿而水道不通。以致小腹膀胱俱痛。而溺于小便也。宜腎着湯  
戰而胞與膀胱皆有上口。無下口。至胞之爲患。有轉胞症。另詳于  
後。然轉胞爲胞本病。而患之所及。又能令目病。如能遠眎。不能近  
視。有其火。無其水也。當補腎。宜地芝丸能近視。不能遠視。有其  
水。無其火也。當補心。宜定志丸通及心腎而近視不能遠視。宜空  
四物湯加澤瀉茯苓牡蠣臨皆胞所致病也。總之凡目病血勝則  
困服遠志丸加甘菊蜜蒙花

痛血勝則痒。又能致頭風。宜川芎瓜蒂又能致頭汗。亦皆胞所致病也。

膀胱形質 內經曰。水液自小腸沁。則汁滲入膀胱之中。胞氣

化之。而爲尿以洩出也。東垣曰。膀胱雖爲津液之府。至于受

盛津液。則又有胞居膀胱之中。類纂云。膀胱者。胞之室也。靈

樞曰。鼻孔在外。膀胱漏泄。又曰。腎應骨。密理厚皮者。三焦膀胱

厚。粗理薄皮者。三焦膀胱薄。疎腠理者。三焦膀胱緩。皮急而無

毫毛者。三焦膀胱急。毫毛多而粗者。三焦膀胱直。稀毫毛者。三

焦膀胱結。

膀胱症治 內經曰。膀胱不利爲癰。不約爲遺尿。入門曰。膀

胱病者。熱結下焦。小腹苦滿。胞轉。小便不利。令人發狂。冷則濕

痰上溢。而爲多唾。小便淋瀝。故遺尿。熱我小便不禁。由膀胱氣虛。加減八味丸。倍山萸。加

烏藥。益智仁。補骨脂。是主藥也。小便不通。由膀胱邪熱。五苓散。益元散。是主藥也。

膀胱絕候 內經曰遺尿狂言目反直視此膀胱絕也又曰膀胱

絕者戴眼反折癰癰其色白絕汗乃出絕汗出則死矣

膀胱氣膀胱經病也其症小腹腫痛必小便秘澀宜五苓散加服茵香薷白鹽

藥後若下小便如墨汁膀胱之邪去矣邪去而便通痛止矣宜隨

砂入門以漬痂有四種其一種水漬外腎腫大如升如斗不痛不

痒為卽膀胱氣宜脩參究而其為症有由膀胱腎虛結成腫痛者

宜茱萸內消有膀胱氣連脇下痛者宜楊氏有由蘊熱陰囊腫脹大小

便不通者宜三有膀胱氣痛不可忍者宜獨痛元金有症由新得

者宜橘核散有年久不愈者宜橘核丸

膀胱氣症治 綱目曰小腹痛者三肝病小腹引脇痛小腸病

小腹引睪丸腰脊痛膀胱病小腹腫痛不得小便又曰神保元

治膀胱氣脇下痛最妙通用橘核丸橘核散

導引 保生秘要曰用手緊鼻。幽關納氣數口。而緊緊頂。閉納之。立效。

運功 保生秘要曰。因慾火積滯。外腎復感冷氣。故作脹痛。不可勝言。注意從外腎提氣至內腎。右運二七遍。卽從內腎想一火。提至頂門。畧凝。而後行吹吸之法。

轉胞症。水逆氣迫病也。亦名轉脬症。直指曰。此症皆由強忍小便。或尿急疾走。或飽食走馬。或忍尿入房。使水氣上逆。氣迫于脬。故屈尿而不得舒張也。脬落卽殂。又曰。此症孕婦多有之。患在忍縮小便。或醉飽入房。使小腸之氣逆而不通。大腸之氣與之俱滯。外水不得入膀胱。內水不得出膀胱。淋瀝急數。每欲尿時。如不可言。大便亦裏急頻併。似痢非痢。必以手按臍下。度可立出小便。甚者。因此腹脹浮腫。治法用涼藥疏利小腸中熱。仍與通洩大腸。迨其

腹中攪痛大便大下則尿脬隨卽歸正小便自然順流丹溪曰胎婦轉脬之症稟受弱者愛悶多者性急躁者食厚味者大率有之古方用滑利疏導無效因思脬爲胎所墮展在一邊脬系了莫不通爾胎若舉起懸在中央脬系得疏水導自行一婦患此診之兩手似滿重取則弦此得之憂患滿爲血少氣多弦爲有飲遂以參朮飲空心煎服遂以指探喉中吐出藥汁俟少頃又與一貼次早亦然如是與八帖而安此法恐偶中後歷用數人皆驗据此二說一用瀉一用吐皆所以疏通其氣而使之流注也至轉脬之候必臍下急痛小便不通此所以與尋常溺閉有異若老人有脬轉困篤欲死者又與少年不同治宜六味丸倍澤瀉蓋少年不須補益只與利導足矣宜蒲黃散滑石散又有驚憂暴怒氣乘膀胱鬱閉而脬系不正遂至小便卒暴不通小腹膨脹氣上冲心悶絕欲死者此其治法必

當兼氣分。宜葱即如孕婦轉脾治法雖不同要必兼補氣血。宜參  
湯此皆胞之為病所當從胞而治者也。

胞為尿器。東垣曰膀胱雖為津液之府。至于受盛津液則又有脬而居膀胱之中焉。故內經云脬移熱于膀胱。靈樞云膀胱之脬薄以濡類。纂云膀胱者脬之室。夫脬之居于膀胱也有上口而無下口。津液既盛于脬。無由自出。必因乎氣化而後能漸漬浸潤于胞外。積于胞下之空處。遂為尿以出于前陰。若使脬下無空處。則人尿急時至廁安能即出乎。夫惟積滿脬下之空處而不可再容。故急急則至廁即出矣。

治膀胱病諸藥要品及方十

膀胱寔宜潤滲

黃柏 知母 滑石 木通 瞿麥 車前

膀胱虛宜補氣

人參 旋覆花 茯苓 猪苓 澤瀉 牛膝 益智

金櫻子 山萸 天冬 麥冬 柏子 柏子仁

虛加 牡蠣 鹿茸 桔梗 桑螵蛸 鴉

既濟丸

膀胱虛 兔絲子 益智仁 肉苁蓉 茯苓 韭子 當歸 熟地各五錢 牡蠣 鹽黃

蔡子丸

柏一錢 監知母 酒山黃去核各三錢 五味子 勝眩寢熱 補心 監湯下百九 治小便不禁 瞿麥 滑石 冬葵子 赤苓 猪苓 枳寢 各一錢 姜五片 治小便不通 甘草 車前子

巴戟丸

胞痺 巴戟兩半 桑螵蛸 麝炒 姜遠志 酒生地 山藥 附子 酒川斷 酒菰容各 一兩 杜仲 金石斛 鹿茸 龍骨 兔絲 子五 味子 山萸 官桂各三錢 蜜丸空 心酒下五七十九 治胞痺小便澀而不通

腎著湯

又 妙乾姜 茯苓 炙甘草 白朮各二兩 共為末 每服用四錢 水一鍾 煎七分 空心溫 服 此方兼治腎虛傷濕 腰極重 極冷而痛不 隔小便 自利 此名腎著症

腎瀝湯

又 姜汁炒杜仲 五加皮 犀角 鎊各一錢半 錢桑螵蛸一個 水二鍾 入羊腎少許 煎八 分食前服

地芝丸

補腎 熟地 天冬各四兩 枳壳 甘菊各二兩 蜜丸

六味地黃丸

又 熟地 山藥 山萸 丹皮 茯苓 澤

定志丸

補心 茯苓 茯神各三兩 石菖蒲 遠志各二兩 礞砂一兩內半為衣 蜜丸

四物湯

近視 川芎 當歸 白芍 生地

遠志丸

又 麥冬 石菖蒲 甘菊 遠志各五錢 杞子 熟地各四錢 蜜丸

附載仲景分別標本方藥

標麻黃

桂枝 黃芪 白朮 防風 防己 製蒼朮

本五苓散

白朮 肉桂 茯苓 猪苓 澤瀉 加滑石

治膀胱氣方十

五苓散

閉 肉桂 白朮 茯苓 猪苓 澤瀉

礞砂丸

藥後 木香 沉香 巴霜 青皮 銅青

茱萸內消丸

腎虛 山萸 吳萸 川練子 馬蘭花 茜香 青皮 陳皮 山藥 肉桂各二兩 木



楊氏麝香元

香一兩 酒湖九 此方兼治膀胱腎虛致成  
寒疝偏墜引痛及小腸奔豚疝等症  
四錢 木香 胡椒各一兩 全蝎 巴霜各  
湯下五七九 能尋諸處痛凡膀胱氣脇下痛  
最難治此方主 神保元即此方無麝香亦是  
治膀胱氣痛要藥

三白散

蠲痛元

金鈴散

三疝湯

橘核散

橘核丸

膀胱

蘊熱 白丑頭末一兩 桑白皮 白朮 木  
通 陳皮各二錢半 共為末 每錢姜湯下  
痛甚 延胡索一兩 川棟肉 茴香各五錢  
白丑頭末 當歸 高良姜 青皮 木香  
烏藥各二錢半 全蝎七個 姜汁浸蒸餅糊  
丸燒綿灰酒送下三五丸  
又 金鈴子三十枚 巴豆肉三十枚各切片  
全炒焦色去巴豆以茴香炒與金鈴肉等分并  
入木香一錢半 共為末 每二錢水酒各半煎  
葱白湯調下  
又 車前子二錢四分 茴香一錢六分 葱  
白一錢二分 沙參八分  
新病 橘核錢半 桃仁十五粒 山梔一錢  
川烏 吳茱萸各五分 各炒為粗末水煎  
久病 橘核炒 鹽酒炒海藻 鹽酒炒昆布  
鹽水洗海帶 越妙提仁 炒川棟肉各一  
膀胱氣方 轉胞症方 卷七 三

治轉胞症方六

兩酒炒延胡索 厚朴 枳實 肉桂 木通各五錢 酒糊丸 溫酒或鹽湯下

六味丸

老人 熟地 山萸 山藥 丹皮 澤瀉 茯苓

蒲黃散

總治 蒲黃 滑石 等分爲末每三錢鴉子清調下

滑石散

寒水石二兩 滑石 亂髮灰 車前木通各一兩 冬葵子一合

葱白湯

驚憂 陳皮三兩 冬葵子一兩 葱白三莖水五升煎三升分三服

參朮飲

孕婦 川芎 當歸 白芍 地黃 人參白朮 半夏 陳皮 甘草 姜三 棗二服後探吐

參朮湯

皮 人參 白朮 當歸 白芍 半夏 陳皮 甘草 服後探吐

小便閉癰源流

小便黃赤 交腸症 飲後即便

沈金鰲撰

小便閉癰肝、三焦及督脉病也。言三經而不及膀胱者，以膀胱

但主藏溺而不主出溺也。經云：肝脉過陰器，病閉癰。又云：女子督

脉入繫廷孔。

廷孔正中血孔即弱竅也。

男子循莖下至纂。

陰莖之端也。

病不得前後

又云：三焦下膈，並太陽正脉入絡膀胱，約下焦，是則閉癰。虛則遺

溺。據經觀之，閉癰之症，舍三經何屬哉？雖然，其致病之由，寔各有

異。膀胱藏溺，氣化則出，而主氣化者，肺也。若燥則不能生水，氣化

不及膀胱，法當清金潤肺。

宜紫苑、麥冬、車前、丹皮、茯苓。

如脾濕不運，水穀不精

不能上輸于肺，使肺得行其津液以生水，法當燥濕健胃。

宜茯苓、白朮。

木蒼

如腎水燥熱，以致膀胱不利，法當滋腎滌熱。

宜知母、黃柏、茯苓、通草、澤瀉。

又或水液只滲大腸，小腸因而燥竭，宜以淡滲之品分利之。

宜茯苓、猪苓。

苓通草

又或氣滯不能通調水道，下輸膀胱，必以順氣為急。

宜枳實、木香。

通橋紅蕪子又或心火盛以致小腸多熱急當清心宜黃連犀角又或

由乎大虛須與溫補以行其水宜金匱又或忿怒氣結閉遏不通

須開鬱破氣宜鬱金枳實至若三焦寔熱則惟用純陰之品以化

其陽而已上焦熱宜山梔黃芩中焦熱宜黃連黃連黃連此治閉癰之大法也乃

丹溪獨以吐法通小便蓋亦猶滴水之器上竅通下竅自出之意

其旨微妙有可參用其法氣虛者先服藥宜補中益氣湯後用吐血虛者

亦先服藥後用吐宜芍藥湯痰多者亦先服藥宜二陳湯後用吐氣閉者用

藥為探吐宜香附木通血瘀小便閉者則以牛膝桃仁為要藥嘗探其

法用之頗效雖然閉癰之異究何如哉新病為閉閉點滴難通也

久病為溺癰屢出而短少綱目謂即癰病也此二症之寔也若夫

溺有餘瀝全由于腎氣之虛須當補益為要宜黃連益子鬼絲子五

蓮鬚山黃連  
頻龍骨共昆

脉法 仲景曰腎脉滑寔爲癰癰 脉訣曰便血則衄數則赤  
黃寔脉癰閉熱在膀胱 醫鑑曰少陰微者氣閉膀胱 綱目  
曰癰病脉細不治

小便不利 仲景曰陰虛則小便難 丹溪曰小便澹者血因  
火燥下焦無血氣不得降而滲泄之令不行也宜補陰降火  
入門曰小便難者出不快也經曰陽入陰分則膀胱熱而小便  
難 直指曰腎虛小便數而澀如欲滲之狀宜溫補 綱目曰  
小便數而不利者有三若大便泄瀉而津液澹少一也宜利而  
已熱搏下焦津液不能行者二也必滲瀉乃愈若脾胃氣澹不  
能通調水道下輸膀胱而化者三也可咽氣令施化而出如茯  
苓琥珀散用澤瀉滑石赤苓白朮猪苓琥珀肉桂炙草者是也  
不得混治

小便不通 內經曰胞移熱于膀胱則癰尿血 元素曰熱在

下焦填塞不通其症小便閉塞而不渴時見躁者是也 東垣

曰小便不通有氣血之異如渴而小便不通者熱在上焦氣分

宜清肺如不渴而小便不通者熱在下焦血分宜滋腎又曰血

滯致氣不通而竅塞宜導氣除燥 綱目曰小便不通臍下狀

如覆碗痛閉難忍治法有二如氣不能化而不通則用陳皮茯苓

苓湯調木香沉香末二錢空心服兼用吐法以提之如血瘀于

下而不通則用桃仁承氣湯之類 回春曰嘔噦而小便不通

者難治中滿鼓脹病小便不通者難治 正傳曰老人氣虛短

作小便不通爲下焦血氣乾者死

鼻頭色黃者小便必難

閉癰宜吐瀉 丹溪曰水道不通屬氣虛血虛有寔熱有痰氣

閉塞皆宜吐之以提其氣氣升則水自降蓋氣承載其水也又

曰。是熱癃閉。用八正散。蓋大便動。則小便自通矣。直指曰。水道不行。其本在腎。合用牽牛澤瀉。其末在肺。合用葶藶桑皮。更以木通滑石佐之。又能透達。雖然大便小便。脈絡相貫。人有多日小便不通。但使大瀉數行。則小便自通。

尿色 內經曰。水液渾濁。皆屬於熱。資生曰。小便有五色。惟赤白色者多。赤色多因酒得之。白色乃下元虛冷。

導引 保生秘要曰。搓小紙捻入鼻中。俟打嚏。噴小水自通。此治閉塞。若遲塞多。搓掌心及湧泉穴。退火安靜。或再行運功法。自效。

運功 保生秘要曰。及小腸症同法。從歸元法旋運而下。旋至病處。多運數十回。復達而上。撒而散之。週而復始。如法漸行。穀道去濁。提回守靜。





亦或由小腸燥結。宜赤茯苓湯固當分別治之。

小便黃赤形症得效曰上盛下虛小便赤澀必致成淋。

尿色內經曰足陽明之脉病氣盛則尿色黃仲景曰疸症

小便如黃柏汁正傳曰下焦無血小便澀數而黃色。

遺溺腎小腸膀胱三經氣虛病也而經又推及肺肝督脉緣肺主

氣以下降生水輪于膀胱肺虛則不能為氣化之主故溺不禁也。

宜補中益氣湯不愈當以黃柏生地麥冬清其熱肝督二經之脉並循陰器繫廷孔病則

營衛不至氣血失常莫能約束水道之竅故遺溺不止也。肝病宜

身澤瀉白芍腎脉病宜荊芥黃連防風若夫腎上應于肺為子母母虛子亦虛其遺

數宜也。子散宜芎藭小腸主傳送故其氣虛亦患遺溺也。宜茯苓澤瀉赤石脂白芍

生膀胱者水泉所藏虛則不能收攝而溺自遺也。宜芎藭子散固

散滑脫針藥丸以上皆小便不禁之由于諸經者也至如小兒

膀胱小便黃赤遺溺

卷七 三三

睡中遺尿，多由于是熱。而間或因寒。

宜沈氏閱泉丸挾寒去老人

淋漓不禁，多由于虛寒。而間亦有熱。

宜大宛絲子丸為主治不可不

審也。妊婦尿出不知，或由脾熱。

宜加味逍遙散或由脾肺氣虛，宜氣湯或

由肝腎陰虛。

宜六不可不審也。產後小便不禁，或由脾損，宜沈氏

或用八珍湯補脾飲。

或由膀胱氣虛，宜加味補中益氣湯。或由膀胱陰虛，宜補不可不

審也。果如是遺溺之病，亦何足慮哉。

遺溺原由症治

內經曰：膀胱不約為遺尿。又曰：水泉不止者

是膀胱不藏也。

直指曰：腎與膀胱俱虛，內氣不充，故脾中自

滑，所出多而色白。是以遇夜而陰虛愈多。又曰：下焦畜血與虛

勞內損，則便尿自遺而不知。又曰：下焦虛寒，不能溫制水液，則

尿出不禁。又曰：經云：水之本在腎，其末在肺，則知天一之水自

上而下，相為貫通也。丹溪曰：小便不禁屬熱屬虛，熱者五苓

散合黃連解毒湯。虛者五苓散。合四物湯。加山萸五味子。又曰。下虛內損而不禁。宜補膀胱陰血。瀉火邪爲主。入門曰。傷寒熱病。及風溫狂言直視遺尿者。不治。

尿色。丹溪曰。小便不禁。赤者有熱。白者氣虛。

飲後卽便。精氣耗散。病也。內經曰。飲入于胃。游溢精氣。上輸于脾。脾氣散精。上歸于肺。靈樞曰。人飲酒。酒入胃。穀未熟而小便獨先下。蓋酒者熟穀之液。其氣悍以清。故後穀而入。先穀而液出焉。以是知飲入胃而遽覺至臍下。卽欲小便者。皆精氣衰耗。不能輸于脾。歸于肺也。東垣以爲不輸脾歸肺。心火必上攻。使口燥而咽乾。古哉言矣。宜補中益氣湯

便溺原委。東垣曰。溲尿者。水也。水之下流。其性則然也。飲入於胃。其精氣雖上升。其本體固不能上升。則豈可謂小便獨爲

氣化所成哉。

交腸症陰陽失度病也。此症惟婦人多有之。或因病後。或因嗜酒。血枯氣耗。陰陽失于傳送。故大小腸錯亂。往往小便中出大便。亦大便中出小便。而成此症也。宜五苓散如不愈以舊藥頭燒灰酒服

交腸症治 丹溪曰。一婦人嗜酒。常痛飲。忽糟粕出前竅。溲尿出後竅。六脉皆沉澀。與四物湯加海金沙。木香。枳。榔。桃。仁。木通。服之而愈。此人酒多。氣升不降。陽極虛。又酒濕積久。生熱煎熬。其血陰液大虛。陰陽俱虛。而暫時活者。以其形寔而酒中穀氣尚在故也。三月後必死。果然。回春曰。一婦人病愈後。小便出尿。先服五苓散。二劑。又用補中益氣湯而愈。

治閉瘕方六

金匱腎氣丸

大虛澤瀉

熟地附子

山萸肉桂

山藥牛膝

丹皮車前子

茯苓

補中益氣湯

氣虛

人參

黃芪

當歸

白朮

升麻

芎歸湯

血虛

炙草

陳皮

姜

棗

二陳湯

痰多

茯苓

甘草

半夏

陳皮

桃仁承氣湯

血瘀

八正散

寔熱

大黃

木通

瞿麥

扁蓄

滑石

治小便黃赤方七

火府丹

肝熱

黃芩

錢半

生地

三錢

木通

四錢

涼胃湯

胃熱

黃連

甘草

陳皮

茯苓

食遠服

加味

補中益氣湯

肺寒

人參

黃芪

當歸

白朮

升麻

棗

溫腎湯

腎寒

附子

肉桂

熟地

牛膝

茯苓

補陰丸

腎火

黃柏

知母

龜板

杞子

杜仲

地

側柏葉

砂仁

五味子

甘草

猪脊

髓地

四苓散

下熱 茯苓 猪苓 澤瀉 白朮

葵子湯

膀胱熱 冬葵子 赤茯苓 猪苓 枳寔 瞿麥 滑石 木通 黃芩 車前子 甘草 各一錢 姜五片

治遺溺方十七

補中益氣湯

肺虛 人參 黃芪 當歸 白朮 升麻 柴胡 陳皮 甘草 姜 棗

加味補中益氣湯

膀胱虛 人參 黃芪 當歸 白朮 升麻 柴胡 甘草 陳皮 茯苓 車前 姜 棗

兔絲子散

腎虛 兔絲子 五倍子 肉蓯蓉 杜仲 牡蠣 雞肫去黃皮 微炒 共為末 每服二錢 勝脫虛 茴香 附子 戎鹽 桑螵蛸 兎

固脬丸

絲子 酒糊丸 勝脫虛 茴香 附子 戎鹽 桑螵蛸 兎

家韭子丸

寒 韭子 鹿茸 牛膝 熟地 歸身 肉蓯蓉 兔絲子 金石解 巴戟 杜仲 肉桂 乾姜 酒糊丸

白微散

挾熱 白微 白欬 白芍 等分

牡蠣丸

滑脫 牡蠣 赤石脂 酒糊丸

沈氏闕泉丸

小兒 益智仁 茯苓 白木 白欬 黑山

大兔絲子丸

老人 兔絲子 此余自製方也用之頗效 澤瀉 鹿茸 石龍芮 肉桂 附子 金石斛 熟地 茯苓 牛膝 山萸 川斷 肉苁蓉 杜仲 防風 補骨脂 華澄茄 沉香 巴戟 茴香 川芎 五味子 桑螵蛸 覆盆子

加味逍遙散

肝熱

六味丸

肝腎虛

沈氏固胞湯

肝損 酒炒桑螵蛸二錢 酒黃芪五錢 沙苑子 芡實子 各二錢 生白芍錢半 升麻二錢 羊小脂子一個 洗淨煎湯代水煎藥 此余自製方也屢用神效

八珍湯

又 人參 茯苓 白木 甘草 生地黄 川芎 當歸 白芍

補脾飲

又 生黃絹一尺剪碎 白牡丹根皮一錢 白芨一錢 將二味為末水一碗煮至絹爛如飴空心頓服服時不得作聲如作聲即不效

五苓散

因熱 肉桂 白朮 茯苓 猪苓 澤瀉

黃連解毒湯

又 黃連 黃柏 黃芩 山梔 等分

四物湯

因虛 川芎 當歸 白芍 地黃

治飲後卽便方一

補中益氣湯

總治 人參 黃芪 當歸 白朮 升麻 柴胡 陳皮 甘草 姜 棗

治交腸症方三

五苓散

總治 茯苓 猪苓 澤瀉 白朮 肉桂

補中益氣湯

又 人參 黃芪 當歸 白朮 升麻 柴胡 甘草 陳皮 姜 棗 川芎 當歸 白芍 地黃

四物湯



沈氏尊生書卷八

雜病源流犀燭 臟腑門

腎病源流

奔豚 土龍疽

腎瘕

腎俞發

沈金鰲撰

足少陰腎脉起于足小指之下斜趨足心至然谷之下循內踝之後別入跟中以上踰內又出膈內廉上股內後廉貫脊到腎絡膀胱其支者從腎上貫肝膈入肺中循喉嚨挾舌本其支者從肺出絡心注胸中次注于腋陰心包絡經。每日酉時周身氣血俱注於腎。足少陰腎經多氣而少血。

少陰者陽氣初轉陰氣乍生之謂太陽寒水司氣獨歸于腎故腎為陽初轉陰乍生之少陰蓋以腎之氣主蟄伏主歸藏天地歛藏之氣必歸于此是以腎得主寒水也是以為先天根柢與心火相對待也然腎雖主寒水而與心火南北對待而先天有真火亦涵于此是火也乃命門真陽之火安身立命之主即坎中一畫乾陽以運化生長收藏之原也是腎固以寒為位以水為體以火為本

故其堅滑者。水之體也。其流行者。火之本也。所以諸臟各一獨腎。有水。火兩具。而命門真火。與蟄藏真水。兩相並見。然坎中一陽。要卽藏于兩陰之中。故命門之火。亦卽涵于真水之內。初非火是水。水是火。截分爲二者。始如天地之陰陽動靜然。靜極而動。陽生陰中。遂能升陰精以上奉心主。此升坎填離。水火既濟。皆先天之神妙。不可思議者也。先輩云。腎之臟水。猶海。火猶龍。水煖則龍潛。水寒則龍起。是腎火炎熾爲患。皆由腎水虛寒。而腎既虛寒。益爲脾土所尅。其病自日生矣。此言水火不能相濟。因爲致病之由也。而不但已也。腎家本有水火兩病。火病者。龍火騰熾。上燉爲害也。其症有口熱咽乾。煩心。心如懸。渴喝而喘。面如漆柴。欬唾有血等類。水病者。寒濕之淫。所勝爲災也。其症有跗腫骨痛。陰痺。時眩清厥。腹大脰腫。喘咳身重。寢汗。頭項痛。飢不欲食。寒氣自傷。意不樂等。

類是則腎之病有可指數者。雖然水由地中行。尅水者固爲土。而爲水所藏者亦卽土也。試觀江湖河海。未有不載于土上。行于土中者。故其水得土之冲氣而足。爲蛟龍之所潛藏。若濶壑之水。非不清澈。要皆寒冷沁骨。故雖魚蝦之細。亦不能養明乎此。亦可知腎之蟄藏必藉土封之力。內經所以謂腎合精。其主脾。不曰尅而反曰主也。羅淡生亦云。水藏土中。此前人補腎用六味。當知其入茯苓山藥之妙是已。但脾藥甚多。而必用此二味者。寔因補水故。補土水本濕土。又易生濕。故必須此二味。能滲土中之濕。則土既無濕淫之患。而水之藏土中者。亦自若其性。而不至濕與濕并多。潰溢之病矣。此六味不用其他脾藥。而必用茯苓山藥者。其旨更自深微。不可不知也。況乎先哲之言曰。腎家水不足。勿撲其火。須滋陰之真源。以配火。腎家火不足。勿傷其水。須益火之源。以配水。

果能知其所以然以治瘳之。腎家水火兩病。吾知免矣。

**脉法** 脉經曰。男子脉微弱而澹。爲無子。腎經不足。精氣清冷也。脉訣曰。遺精白濁。當驗于尺。結其動緊。二症之的。又曰。澀脉爲精血不足之候。丈夫脉澹號傷精。

兩腎同歸一腑。入門曰小便。清利。脉沉遲。是冷氣歸腎。小便赤澀。脉沉數。是熱氣歸命門。是腎與命門。脉同者。謂其所受之病。同歸于膀胱一腑也。

**腎病症治** 靈樞曰。有所用力舉重。若入房過度。汗出浴水。則傷腎。又曰。邪在腎。則病骨痛陰痺。陰痺者。按之而不得。腹脹腰痛。大便難。肩背頸項痛。時眩。內經曰。脾傳之腎。病名曰疝瘕。少腹冤熱而痛。出白。一名曰蠱。註云。出白。洩出白液也。又曰。腎熱者。色黑而齒枯。又曰。大骨枯。大肉陷。肩髓內消。動作益衰。真

臍見也。腎期一歲死。又曰腎苦燥。急食辛以潤之。開腠理致津液。通氣也。腎欲堅。急食苦以堅之。用苦補之。鹹瀉之。又曰腎病禁燂煖。熱食溫炙衣。難經曰。久坐濕地。強力入水。則傷于腎。又曰。外症善恐。數欠。面黑。內症臍下有動氣。按之牢若痛。其病逆氣。少腹急痛。洩痢下重。足脛寒而逆。

腎氣間甚。內經曰。腎病者夜半慧。四季甚。下晡靜。

腎絕候。靈樞曰。足少陰氣絕。則骨枯。少陰者。冬脉也。伏行而濡骨髓者也。故骨不濡。則肉不能着也。骨肉不相親。則肉軟却。肉軟却。故齒長而垢。髮無澤。髮無澤者。骨先死。戊日篤。己日死。脉經曰。腎絕四日死。何以知之。齒爲暴枯。面爲正黑。目中黃色。腰中欲折。自汗如流水。一云人中平。十日死。仲景曰。溲便遺矢。狂言目反直視者。此爲腎絕也。脉浮而洪。身汗如油。喘不

休水漿不下形體不仁乍靜乍亂者此爲命門絕也

腎氣滯澀保養法 保生秘要曰凡人氣旺則血榮而潤澤氣

絕則血枯而滅形故氣虛弱則滯澀而成病如澀於腎諸寒收

引皆屬腎水氣弱或作腰疼水枯瞳人昏暗兩耳難察律音冬

月水旺宜吐納接節吹氣調和會意寧心所忌須避寒冷最宜

早卧遲升大抵冬月歛藏氣閉至陰已極宜節慾養一陽之初

生蓋陰陽交精子南合璧萬物氣微在下不可動搖守此則保

壽無疆

腎之積曰奔豚發小腹上至心如豚奔走狀上下無時久則喘逆

骨痿少氣脉沉而滑宜奔豚丸增損五積丸皆由腎虛脾家濕邪下傳客腎

所致治法宜補氣健脾辛溫散結

脉法 脉訣曰五積屬陰沉伏附骨肝弦心芤腎沉急滑脾寔

且長肺浮喘卒。醫鑑曰：腹中有積，脉忌虛弱。綱目曰：內有積，不見脉，難治；見一脉，相應為易治。

腎積症治。永類鈴方曰：經云：治積聚，有化積、消積、換積、磨積，而無下積之說，蓋不可直便取下，以傷胃氣也。得效曰：治腎積，有奔豚丸，又有奔豚湯。

腎癰腎氣衰敗病也。其發處正與內腎相對，大抵突起皮赤者易安，陷入皮黑者難愈。宜加減八味元加味十奇散十六味流氣飲托裏散加山梔黃芩杏仁連翹蓋不

可視為輕症也。而腎癰之外，又有腎俞發，亦為腎臟虛症，其瘡起

于脊骨十四椎腎俞穴及腎俞下之腰俞穴，此兩處皆屬至虛地

位，不拘癰疽，但發此兩處者，皆宜防毒氣內攻，急當補益內氣，令

寔方可開破。以內氣寔則毒氣不能內攻，且易得潰，此皆治于未

成之前者也。若已成潰破，猶宜峻補。已未成補藥俱宜參芪歸朮勿使淹滯，久

不收口。至成漏管。此則治于已成之後者也。大約補益之藥。以補腎爲主。補脾次之。補氣補血又次之。而尤不可犯者。是房慾。若犯必至不救。男女皆然。又有一症。名土龍疽。亦發腎俞及胃俞兩處。其發也。必寒熱大作十數日。大汗展頸。身熱如火。陳文治云。九日可刺。膿青黑者死。血膿者不死。失而不刺。其上下亦黑。二十日死。亦言其症之重且急。醫者所當詳察而理之也。宜消毒散。防風通聖散。去大黃。麻黃。

芒硝

腎癰等症治

靈樞曰。京門

穴

隱隱而痛者。腎疽。上肉微起者。

腎癰也。

內經曰。腎癰。胫下至小腹滿。

入門曰。五臟癰疽俱

宜十六味流氣飲。仙方活命飲。腎俞發宜千金內消散。仙傳化

毒湯。連喬敗毒散。

治腎病諸藥要品及方六



腎無寔故無瀉法因不列腎寔之藥

腎虛宜滋陰除熱生精補血  
地黃 杞子 牛膝 人乳  
胡麻 杜仲 天冬 麥冬

肉蓯蓉 黃柏 知母 五味 川斷 山藥 丹皮  
柏子仁 山萸 車前 龍甲 青蒿 童便 乾七

沙蒺藜 硃砂 礞石 蓮肉 牡蠣 甘草 砂仁 龍骨  
金石斛 魚膠 蓬肉 杜鹽 遠志 韭子 韭白

兔絲子 阿膠 茅根 戎鹽 蒲黃 茯苓 草薢  
地骨皮 苁仁 桃仁 紅花 白膠 桑椹 鹿茸

胡黃連 側柏 杏仁 蘇子 降香 通草 益智  
覆盆子 人參 沉香 鬱金 陳皮 木香 黃芪

鹿角霜 橘核 巴戟 仙茅 白木 河車 雀卵  
鹿角膠 木瓜 茴香 附子 肉桂 桑螵蛸 肉蓯

川棟子 補骨脂 蛇床子 狗陰莖 桑螵蛸  
金櫻子 荔枝核 蛇床子 狗陰莖 桑螵蛸

六味地黃丸 腎水不足陰虛 地黃 山藥 山萸 丹皮  
茯苓 澤瀉 此方如血虛陰衰熱地黃為

君 茯苓 滑精 山萸 為君 小便或頻或澀 或熱或赤或

白茯苓 為君 小便或頻或澀 或熱或赤或

足丹皮 為君 皮膚乾澀 准山藥為君 按此

綱目所載法也 可知此方之妙 四通八達 隨用  
皆宜 固不必拘于地八山四丹苓澤瀉三之  
說以為止宜于血虛陰衰之人矣

補腎丸

又酒通板四兩 酒黃柏 酒知母各三兩  
乾姜一兩 粥丸空心鹽湯下

滋陰降火湯

腎水不足陰虛火動 白芍錢三分 當歸錢  
二分 熟地 白朮 天冬 麥冬各一錢  
生地八分 陳皮七分 蜜知母 蜜黃柏

八味丸

命門火不足陽痿 即六味丸加肉桂 附子  
各一兩 再加車前子各金匱腎氣丸

加減八味丸

水火兼補 熟地二兩 山藥 山萸各一兩  
酒蒸澤瀉 肉桂五錢 茯苓各八錢 五味子

溫腎散

一兩半 或鹽湯下 晚間空腹再服  
腎命虛寒 腰脊重痛 熟地錢半 肉桂容  
牛膝 巴戟 麥冬 五味子 炙甘草各八  
分 茯苓 乾姜 杜仲各五分 煎服 爲  
末酒下二錢亦可

附載仲景大法及分別標本方藥

有餘爲寒

氣 天雄 附子 山萸 補腎脂 陽起石  
血 熟地 肉桂 巴戟 肉苁蓉

不足爲熱

氣 山藥 遠志 五味子  
血 牡蠣 生地 蛤粉

腎溫則寔

猪苓 車前  
澤瀉 滑石

腎虛則寒動于中肉苁蓉 補骨脂

盛則寒附子 肉桂

虛則燥天冬 當歸 益智仁 生地 砂仁

咽痛咽物無妨不腫為寒炙甘草湯 半夏乾桔湯 肉桂 苦酒

咽物有妨腫痺為熱

紫河車散 礬石散 尤重者速下之下遲即咽閉也 內經曰喉氣通于天咽氣通于地傷于風上先受之傷于濕下先受之也

消渴益火之源使溺有餘烏附 壯水之主使渴不想飲 蛤蚧

消中調中 人參 茯苓 五味子 枸杞子

消腎益火消陰 八味九加五味子 壯水制陽 八味九加五味子地黃

乾寒人參 菖蒲 茯苓 苁蓉 補骨脂 山萸 芡寔

精滑黃連 遠志 牡蠣 益智仁 黃柏 地黃 蛤蚧 縮砂仁

腎病方

卷八

瀉脉 男子失血亡精 女子半產漏下

因寒 天麻

因熱 遠志

命門 有餘不足

生地 天維

硃砂 附子 肉桂 川烏

知母 寒水石 礞石 黃芩 陽起石

寔

車前子 天冬 丹皮 木通 元參 黃柏 知母 麥冬 黃芩

虛

白茯苓 牛膝 鹿茸 白膠 杞子 菟絲子 巴戟 五味 山萸 附子 仙茅 肉桂

覆盆子 砂仁 木香 吳萸 故紙 肉桂

陽起石 狗陰莖 白馬陰莖

陰囊濕痒

黃芪 羌活 白茯苓 白附子 其為未湯酒

任調空心服 即將四味加吳萸盤龍子煎湯洗

一法鬱則折之謂抑之制其冲逆也過者折之則以其畏

也 過太過也太過者以其味瀉之以鹹瀉腎酸瀉肝辛瀉

標 麻黃附子細辛湯 肺苦瀉心甘瀉脾瀉故畏謂瀉為畏也 細辛味辛溫熱

不行所以主足少陰連及足厥陰也

標之本 猪苓湯

本寒四逆湯熱大承氣湯

厚朴枳實雖治大寔大滿本治傷寒頭痛大風在皮與大黃芒硝同用白膏而下無所通與酒浸大黃同為佐使仲景之法可謂極矣

本之標 白虎湯 姜附湯 通脈四逆湯

本之本 承氣湯 抵當湯 抵當丸 桃仁承氣湯

治奔豚方三

奔豚丸

總治 厚朴七錢 黃連五錢 川棟子三錢 茯苓 澤瀉 菖蒲各二錢 延胡索一錢 牛全蠍 附子 獨活各一錢 川烏 丁香 香巴霜各五分 肉桂二分 蜜丸鹽湯下服法照息貢丸

奔豚湯

又 半夏二錢 川芎 當歸各錢半 甘草 根皮 乾葛各一錢 黃芩 白芍 甘草各七分 姜三 棗二

增損五積丸

又 黃連 厚朴 川烏 乾姜 人參 茯苓 增損法詳息貢條

腎病方

奔豚方

腎瘕方

卷八

七

治腎癰方五

加減八味丸

總治

加味十奇散

又

當歸

肉桂

人參

黃芪

川芎

白

藥

等分爲末

酒服

三錢

不飲酒

麥冬湯下

藥也

十六味氣飲

又

人參

當歸

黃芪

川芎

肉桂

木

椰

厚朴

蘼葉

烏藥

甘草

各六分

燕

托裏散

又

人參

黃芪

各二錢

陳皮

白朮

熟

神效

托裏散

是治瘡

疔後久未收斂

以此補托

另有

其

仙方活命飲

又

大黃

五錢

金銀花

三錢

歸尾

皂角

刺

陳皮

各錢半

乳香

貝母

花粉

白

芷

甘草

節

赤芍

各一錢

防風

七分

藥

五分

穿山甲

三片

燒另研

好酒入瓦

罐

內

封口

煎熟

隨瘡上下

飲之

服後再飲

酒二三

標

側臥而睡

忌酸物

錫器

如在背

皂角刺

爲

君在腹白芷為君在四肢金銀花為君此方  
通治一切癰疽毒腫未成者內消已成者即潰  
排膿止痛消毒之聖藥也

### 治腎俞發方三

#### 千金內消散

總治 大黃三錢 金銀花二錢 酒歸尾錢  
半 木鼈子去壳 赤芍 白芷 乳香 沒

藥

皂角刺 姜蚕 瓜蒌仁 花粉各一錢  
甘草節五分 穿山甲三片 蛤粉炒 酒水

煎服 此方通治一切癰疽及腸癰肚癰便毒  
初起即消已腫即潰血從大便中出也此方

與仙方活命飲畧同

#### 仙傳化毒湯

又 金銀花 花粉各錢二分 甘草節 防  
風 黃芩 白芍 赤苓 貝母 連喬 白

芷各一錢 半夏七分 乳香 沒藥各五分  
酒水煎 此方通治一切癰疽發背乳癰無

名腫毒未成立消已成立潰

#### 連喬敗毒散

又 羌活 獨活 柴胡 前胡 金銀花  
桔梗 川芎 赤苓 枳壳 連喬 薄荷

防風 荆芥 甘草各七分 姜三片 水煎

此方治一切癰疽初發憎寒壯熱甚者頭痛拘  
身發冷

急狀似傷寒四五日前二三服輕者自消若不  
消宜服仙方活命飲

### 治土龍疽方二

#### 消毒散

總治 皂角刺 金銀花 防風 當歸 瓜  
黃連 甘草節 大黃 等分水酒煎食前溫  
服仍提掣頂中髮立效 此方症發三四日者  
可消

#### 防風通聖散

又 赤芍 芒硝 滑石 川芎 大黃 桔  
梗 石膏 荆芥 麻黃各四分半 山梔  
白木 連翹 當歸 薄荷 甘草 防風  
黃芩各八分 此方非表裏俱寔大小便秘者  
未可輕用



虛損癆瘵源流

五癆六極七傷  
解此症食亦症

煎厥症  
二陽症

沈金鰲撰

虛損癆瘵真元病也。虛者氣血之虛。損者臟腑之損。虛久致損。五

臟皆有損。肺傷氣。毛槁皮焦。急宜養氣。宜四君子湯。損心傷神。血脉不

榮。急調榮衛。宜八珍湯。損肝傷筋。筋緩不收。急當緩中。宜牛膝丸。損腎

傷精。骨髓消減。急須益精。宜金剛丸。損脾傷倉廩。飲食不為飢膚

急。應時飲食。適寒溫。宜十全大補湯。五臟之氣。有一損傷。積久成癆。甚而

為瘵。瘵者勞也。勞因疲憊也。瘵者敗也。羸敗凋敝也。虛損癆瘵。其

病相因。其是由于五臟如此。然五臟雖分。而五臟所藏無非精氣。

其所以致損者有四。曰氣虛。曰血虛。曰陽虛。曰陰虛。陽氣陰血。精

又為血本。不離氣血。不外水火。水火得其正。則為精。為氣。水火失

其和。則為寒。為熱。此虛損之大概。而氣血陰陽各有專主。認得真

確。方可施治。氣虛者脾。肺二經虛也。或飲食。或勞倦。氣衰火旺。四

肢困熱。無氣以動。懶于言語。動作喘乏。自汗心煩。必溫補中氣。宜中益血虛者。心肝二經虛也。吐血瀉血。女人產後。或崩漏。或諸血氣湯。失道妄行。眼花頭暈。漸至吐血不止。或乾血癆。宜四物湯當歸補血湯而陽虛。陰虛。則又皆屬腎。陽虛者。腎中真陽虛也。真陽即真火。審是火虛。右尺必弱。只宜大補元陽。亦不可傷陰氣。忌涼潤。恐補陰邪也。尤忌辛散。恐傷陰氣也。惟喜甘溫。益火之品。補陽以配陰。宜八味丸沉陰自飲。陰從乎陽矣。所謂益火之原。以消陰翳也。陰虛者。腎中真陰虛也。真陰即腎水。審是水虛。脉必細數。只宜大補真陰。亦不可伐陽氣。忌辛燥。恐助陽邪也。尤忌苦寒。恐伐元陽也。惟喜純甘壯水之劑。補陰以配陽。宜六味丸加杞子魚膠。虛火自降。而陽歸于陰矣。所謂壯水之主。以鎮陽光也。而二者之爲病。亦各有異。陽虛所生病。爲熱癆。口乾咽痛。舌瘡。涕唾稠粘。手足心熱。大便燥。小便赤。然至咽

瘡失音或疰羸陽不舉脉細無根脉數不倫漸已成瘵而難救宜

遙散坎離陰虛所生病為虛癆吐痰白色胃逆不思飲食惡食宜

不化遺濁便溏洩然至洩不已神瘁肉削漸已成瘵而難救宜

榮湯三白二病之原皆由勞心好色以至真陽衰憊邪火盛熾真

陰虧損虛火炎燥由是火蒸于上則為咳血宜五為潮熱宜清火

動於下則為精濁宜龍為洩瀉宜歸脾湯三諸症蠶起矣然病之

原雖屬陰陽之虛而其症必各見于一經就其症之所見以審知

為何經而因以辨乎陰陽之所屬然後可與療治何言之如現患

精濁又兼脛痠腰背拘急知其病在腎也宜兔絲子丸現患喘咳

嗽血又兼皮枯鼻塞聲重知其病在肺也宜保和湯現患咯血多汗又

兼驚惕口舌瘡知其病在心也宜聖現患夢遺又兼脇疼善怒項

強知其病在肝也宜補肝湯柴胡疏現患溏洩又兼腹痛痞塊飲

腎虛損癆瘵

卷八

食無味四肢倦怠。知其病在脾也。宜調中益氣湯此皆由陰陽之虛以致

病成于五臟者也。而猶不止此也。有雜病久不愈。病久必虛。虛久

成癆者。宜調榮養衛丸有思慮過度。心氣不舒。鬱熱熏蒸胸中。因生內熱。

而成癆者。宜歸脾湯有房勞精損困乏。虛火目暈耳聾。遺精。步履歌邪。

而成癆者。宜鹿胎丸有饑飽傷脾。而成癆者。宜補中益氣湯有積勞虛

損。體瘦氣短。好卧寒熱。而成癆者。宜十四味建中湯有負重受傷。而成癆

者。宜補中益氣湯如病久再為加減有盛暑勞碌受傷。而成癆者。宜清暑益氣湯有縱酒

傷脾。而成癆者。宜葛花解酲湯有老人氣血兩虧。下體痿弱。不善食。而成

癆者。宜嵩崖脾腎丸有童男女稟受母胎之氣。骨蒸黃瘦。口臭

肌熱。而成癆者。宜麥煎散有婦人女子經閉。或血熱血枯。而成癆者。宜逍散補血

養陰丸有情竇初開。有其心而無其事。邪火煎耗真陰。而成癆

者。宜清離坎丸種種病因。難更僕數。而治之之法。要不外溫補滋補兩

端以陽虛卽宜溫。陰虛卽宜滋也。然卽用溫不得偏任辛香丁附之屬。卽用滋不得偏任苦寒知柏之屬。此土材所必諄諄誥誡也。由是推之。陽爲氣。陰爲血。卽陰陽之須補益。可知氣血之應補矣。然古人云。陽生則陰長。又云。血脫者補氣。寔以氣藥有行血之功。血藥無益氣之理也。又况血藥滯膩。非痰多食少者所宜。血藥清潤。久用必多洩滑之患乎。夫虛癆之症。疑難不少。陰虛火動。內熱燥金。必致損肺。寒熱內熾。多服寒涼。必致傷脾。補脾必礙肺。須知燥熱能食而不泄者。急當潤肺。兼補脾。宜滋陰清化丸。如白朮建蓮。若虛羸食少而腸滑者。雖喘嗽不寧。但當補脾而清潤。宜戒。宜三白。廣生湯。以土能生金。金不能培土。故補脾尤要也。古人謂癆病多死于洩瀉。職是故耳。又如脾腎法宜兼補。但甘寒補腎。不利于脾。辛溫快脾。益傷于腎。卽兩者而衡之。土能生金。金爲水母。卽腎虛宜補。當更扶脾。

卽欲壯脾。不忘養腎可耳。

或滋腎而佐以沉术砂朮。或快脾而佐以羌活五味。

故許學士有

補腎不如補脾。孫真人有補脾不如補腎之說。兩家雖似相反。要

皆爲虛癆家指示要法。醫者當必辨症察脉。或補脾。或補腎。各當

其施。庶無偏徇之弊。蓋以血之原在腎。氣之原在脾。故肺氣受傷。

而土爲金母。必求助于脾。肝血受傷。而水爲木母。必借資于腎。此

二臟乘則百疾作。二臟安則百脉調。而病自息也。且夫虛癆之由。

有寒。有熱。皆由虛而感。感乎寒者。陽傷。傷則虛。陽虛必陰盛。故受

損自上而下。由肺而心。而胃。治宜辛甘淡。

宜二术當歸茯苓。扶神桑皮橘皮。

過於

胃。則不可治也。感乎熱者。陰傷。傷則虛。陰虛必陽盛。故受損自下。

而上。由腎而肝。而脾。治宜甘緩溫。

宜地黃丹皮白芍。知母山萸石斛麥冬。

過于脾。則

不可治也。經曰。陽虛生外寒。陰虛生內熱。陽盛生外熱。陰盛生內

寒。而寒與熱二者常相因。而熱爲甚。故治之者。必以熱爲憑。而寒

為驗。蓋癆病必發熱。其發熱之由不一。有氣虛熱。必兼少氣自汗。

體倦心煩。宜八珍湯加蘇。有血虛熱。必兼燥渴睡卧不安。宜聖愈湯。人中白。九兩。方。參。酌。

用有往來潮熱。必兼自汗。食少。膝軟。骨節疼。宜參苓建中湯。有骨蒸熱。必

兼肌瘦。舌紅。頰赤。宜鹽甲散。河車丸。二仙膠。有五心熱。必兼體疼。口乾。頰赤。發

熱。宜逍遙散。十全大補湯。有遍體發熱。必兼瘦削神困。宜十四味建中湯。有病久結

痰成積。腹脇常熱。惟頭面手足于寅卯時乍涼。宜六君子湯。送滾痰丸。二錢。先以潤

腸丸分三次投之。使其徐化。六君子湯中加姜汁。竹瀝尤妙。此熱之見于身體顯而可驗者也。

若五臟之熱。尤不可不審。大約肺熱。輕手即得。畧重全無。肺主皮

毛也。日西尤甚。必兼喘欬。洒淅善嚏。善悲。缺盆痛。胸中及肩臂皆

痛。臍右脹痛。小便數。皮膚痛及麻木。宜茯苓麥冬五味山藥紫苑百合以補之。桑皮葶藶枳壳

藕子以瀉之。乾姜荳蔻木香。欬冬。花以溫之。二心熱。微按之。皮毛

母沙參。元參。山梔。黃芩。花粉。馬兜鈴。以涼之。之下。肌肉之上。乃得心主血脉也。日中尤甚。必兼煩心。掌熱而嘔。

善笑。善忘。善驚。不寐。築築然動。舌破。消渴。口苦。心胸間汗。宜丹參龍眼荻

神歸身。麥冬。山藥。以補之。黃連。以瀉之。菖蒲。益智。脾熱。輕重按俱

以溫之。竹葉。犀角。連翹。砂牛。黃天冬。以涼之。不得熱。在不輕。不重間。脾主肌肉也。夜尤甚。必兼急。情嗜臥。四肢

不收。無氣以動。泄瀉。溺閉。面黃。口甘。舌強痛。吐逆。不食食。不化食。

搶心。善味。善饑。善噎。當臍痛。腹脹。腸鳴。肉痛。足腫。宜參苓朮草陳

仁。以補之。姜附。丁桂。以溫之。肝熱。按至肌肉之下。骨之上。乃得肝。

石。膏。滑。石。元。明。粉。以。涼。之。主筋也。寅卯時尤甚。必兼多怒。多驚。便難。轉筋。攣急。四肢困熱。滿

悶。筋痿。不能起。頭痛。耳聾。頰腫。面青。目腫痛。兩脇小腹痛。嘔逆作

酸。羸疝。冒眩。多瘧。宜阿膠山藥木瓜棗仁以補之。青皮青黛柴胡

以溫之。甘菊。車前子。腎熱。極重。按至骨乃得。腎主骨也。亥子時尤

甚。必兼腰膝脊臂股後痛。耳鳴。遺洩。二便不調。骨痿不能起。形中

青。面黑。口乾。咯血。饑不欲食。腹大脰腫。少腹氣逆。急痛。下腫。腸癖。



陰下濕痒。手指青黑厥逆。足下熱嗜臥。坐而欲起。善怒。四肢不收。

宜地黃。杞子。山藥。桑螵蛸。龜板。牛膝。山萸。杜仲。五味子。以補之。知母。澤瀉。以瀉之。鹿茸。肉桂。附子。鹿角。膠。補骨脂。沉香。肉蓯蓉。以溫之。知母。黃柏。丹皮。以上皆癆成于五臟。其熱之發。因而各異者也。地骨皮。以涼之。

然五臟雖皆有癆。而心腎尤多。固有不可不知者。蓋心主血。腎主精。天下之人。大抵勞心好色者。衆精傷血耗。癆自成也。誠察乎此。

惟當溫養滋補。調心益腎。宜還少丹。坎離既濟丹。一切熱藥涼藥。安可偏任。

哉。癆病多吐血。吐血之原。未有不由五臟來者。咳嗽血出于肺。因

悲憂所致也。宜二冬二母。桔梗。黃芩。痰涎血出于脾。因思慮所致也。宜生地。石斛。葛

根。丹皮。甘草。茯苓。吐血出于心。因驚恐所致也。宜丹參。山藥。麥冬。吐

血多塊出于肝。因恚怒所致也。宜柴胡。芍藥。山梔。丹皮。棗仁。生地。沉香。咯血出于腎。

因房慾所致也。宜生地。丹皮。茯苓。遠志。阿膠。知母。黃柏。嘔血出于胃。中氣失調。邪熱

在中所致也。宜犀角。地黃。丹元。明粉。其餘致血之由。正多而止血之法。又

必各從其類。有由酒傷者。用解止之。宜葛根薏仁有由食積者。用

消止之。宜白朮陳皮有由血熱者。用涼止之。宜山梔炭有由血寒

者。用溫止之。宜血餘炭有由血滑者。用瀉止之。宜連炭有由血虛

者。用補止之。宜髮灰有由怒傷肝木。血菀于上者。必令人薄厥。用

平止之。宜沉香木瓜青有由血瘀在中者。必脉沉寔。腹中滿痛。用

行止之。宜當歸降香木香蓬朮有由血溢者。被觸傷破。泉湧不止。

用補止之。宜十全大補有由血脫者。九竅齊出。亦用補止之。宜急

灰大薊汁人此外有積勞吐血。久病後吐血。多而久不止者。並宜

參湯調服或內多乾血。肌膚甲錯。兩目黯黑。宜大黃皆當加意治之。是知

血宜靜。宜下。七情妄動。形體疲勞。陽火相迫。錯行。必脉洪口渴便

結。用涼藥救之。宜黃芩黃連生地若氣虛挾寒。陰陽不相為守。血

亦妄行。必有虛冷之狀。蒸陽虛陰。必走是也。宜八味丸或理中而

古人謂血以下行為順。上出為逆。吐血初起。宜食大黃下之。又謂亡血失血。虛家禁下。非兩言之相背也。須知宜行者。畜妄之初。禁下者。亡失之後。固不可混視也。總之治血之法。不外治肝而治肝之餘。必兼補水。順氣。蓋氣有餘。即是火。血隨氣上。補水則火自降。

順氣則血不升也。

補水宜熟地牛膝丹皮等順氣宜蘇子沉香橘紅等童便能使濁陰歸下竅兼能行瘀藕汁能

達血無滯

兼能止瀉若內經云。凡風寒暑濕燥火六氣之變。皆能失血。若不

察其所因。槩與涼折。必生變。醫者不可不知。古人治血。多以胃藥收功。如烏藥沉香炮姜姜棗。稱為虛家神劑。醫者又不可不知。以

上治血之大凡也。癆病必咳嗽。或由陰傷陽浮。水涸金燥。喉痒而

咳。宜用甘潤養肺。水旺氣復而咳自己。

宜麥冬花粉生地杏仁橘紅阿膠桔梗

或由

脾胃先虛。不能制水。水泛為痰。水冷金寒而咳。

宜立效方加羌活陳皮白朮或

由火燥肺金而咳。

宜六或由命門火衰。氣不化水而咳。

宜于治咳藥中加附

子肉桂人參羌活

至癆嗽失音。肺氣鬱也。

宜杏膏。癆嗽兼喘。痰涎湧也。宜五

癆嗽痰熱渴汗。心脾傷也。

宜滋陰清化丸。

以上治咳之大凡也。

門更詳。

虛癆之屬有桃花疰。其症面色不衰。肌膚不瘦。外如無病。內寔虛。

傷。須審現在何症。及傷在何臟。以治之。

大槩宜用紫金錠蘇合丸。或回春辟邪丹等方。

有傳尸癆。乃鬼作重而為祟。其症沉沉默默。不知所苦。經時累月。

漸漸羸頓。至于死亡。治法以固本為先。祛重為次。

固本宜人參養榮湯。八味丸祛

重宜十疰丸。桃奴九紫金錠。

嗟乎。虛勞為病。亦既甚矣。苟非洞其源。徹其流。何

以云治乎。故知治癆之法。不可偏熱。不可偏涼。不可偏補。務在察

其脉症。斟酌用藥。庶乎有療。丹溪云。一水既虧。不勝五火。虛症蜂

起。先當和解微下。次用調補。若邪未除。便行補劑。邪入經絡。深為

可悲。惟無積人。脉舉按無力者。方可補之。此誠治虛損癆瘵之要

道也。

脉法 靈樞曰氣虛則脉弦。陰虛則脉大。仲景曰平人脉大爲勞。脉極虛亦爲勞。又曰脉虛細弱者勞也。又曰脉弦而大。弦則爲減。大則爲芤。減則爲寒。芤則爲虛。虛寒相搏。此名爲革。婦人則半虛漏下。男子則亡血失精。又曰寸口脉微而澀。微者衛氣衰。澀者榮氣不足。衛氣衰面色黃。榮氣不足面色青。榮爲根。衛爲葉。榮衛俱微。則根葉槁枯。而寒慄咳逆唾膠吐涎沫。脉經曰脉來軟者爲虛。緩者爲虛。微者爲虛。弱者爲虛。弦者爲中虛。細而微者氣血俱虛。小者氣血俱少。大而芤者脫血。血虛脉大如葱管。脉沉者遲者脫氣。脉經曰平脉弦大。勞損而虛。大而無力。陽衰易扶。數而無力。陰火難除。寸弱上損。浮大裏枯。尺寸俱微。五勞之軀。血羸左濡。氣惟右推。左右微小。氣血無餘。丹溪曰男子久病。氣口脉弱則死。強則生。女子久病。人迎脉強

則生。弱則死。直指曰。虛勞之脉。大抵多弦。或浮大。或數大者。易治。血氣未定。可藥而正也。弦者難治。血氣已耗。未易調補也。若帶雙弦。則爲賊邪侵脾。尤爲難治。加數極。則殆。

虛勞原由症治。回春曰。百病皆生於腎。蓋精傷則腎水空。虛不能平其心火。火炎傷其肺金。是絕水之源。金水衰弱。不能勝其肝木。木盛則尅脾土。而反生火。火獨旺而不生化。故陽有餘。陰不足。獨熱而不久矣。綱目曰。虛者。皮毛肌肉筋脉骨髓氣血津液不足是也。入門曰。凡飲食減少。精神昏短。遺精夢泄。腰背肋脇筋骨引痛。潮熱自汗。痰盛咳嗽。是虛癆常症也。又曰。虛損皆由水火不濟。但以調和心腎爲主。兼補脾胃。則飲食加。而精神氣血自生矣。直指曰。皮虛則熱。脉虛則驚。內虛則重。筋虛則急。骨虛則痛。髓虛則墮。腸虛則泄。三陽寔。三陰虛。汗不

出三陰是。三陽虛汗不止。又曰。虛勞之疾。百脉空虛。非滋潤粘膩之物以養之。不能寔也。切不可妄施金石燥熱等藥。東垣曰。肺損益其氣。心損調其榮衛。脾損調其飲食。適其寒溫。腎損益其精。肝損緩其中。緩中者。調血也。宜四物湯。以其中有白芍也。得效曰。虛損之症。峻補。烏附天雄姜桂等。潤補者。鹿茸當歸茯苓等。清補者。二冬人參地黃等。

陰陽氣血虛辨。入門曰。虛脉多弦。弦而濡大爲氣虛。沉微無力爲氣虛甚。弦而微爲血虛。澀而微爲血虛甚。形肥而面白者爲陽虛。形瘦而面倉黑者爲陰虛。又曰。房勞思慮傷心腎。則陰血虛。飢飽勞役傷胃氣。則陽氣虛。此傷症之至要也。海藏曰。呼吸少氣。懶言語。動作無力。目無精光。面色晄白。此兼氣血虛也。保命曰。右脉浮而大。或大而弦。皆爲虛勞。蓋陽盛陰虛之

症。若多見之。右脉虛微細。弦爲虛勞者。乃陰陽俱虛也。晨多見之。丹溪曰。人之一身。陽常有餘。陰常不足。氣常有餘。血常不足。故滋陰補血之藥。自幼至老。皆不可缺。

虛癆五敗。九死十絕候。千金方曰。手足腫無交紋。心敗。唇反黑無紋。肺敗。面黑有瘡。肝敗。陰腫囊縮。腎敗。臍突腫滿。脾敗。又曰。九死候者。一手足青。二手足久腫。三脉枯。齒乾。四語聲散。鼻虛張。五唇寒冷。宣露。六唇腫齒焦。七手循衣縫。八汗出不流。九舌卷卵縮。又曰。氣短。目視亭亭。無精光。心絕。鼻虛張。氣復短。肺絕。面青。眼視人不直。數出淚。肝絕。面黑。眼睛黃。素汁流。腎絕。泄瀉。唾不覺。時時妄語。脾絕。爪甲青。惡罵不休。胆絕。背脊痠疼。腰重。反覆難。骨絕。面無精光。頭目自眩。血絕。舌卷縮如紅丹。嚙唾不得。足踝小腫。肉絕。髮直如麻。汗出不止。腸絕。



虛癆脉代及生死症 仲景曰虛癆不足汗出而悶脉結代心動悸行動如常不出百日死急者十餘日死宜用炙甘草湯救之。正傳曰難經言七傳者死間臟者生何謂也然七傳者傳其所勝也間臟者傳其子也何以言之假令心病傳肺肺病傳肝肝病傳脾脾病傳腎腎病傳心一臟不再傳故言七傳者死也間臟者傳其所生也假令心傳脾脾傳肺肺傳腎腎傳肝肝傳心是子母相生周而復始如環無端故言生也今攷之經文所謂七傳者只六傳而已謂一臟不再傳按其數乃有四臟不再受傷也夫此條言虛癆之症也其所謂七傳者心病上必脫去腎病傳心一句其一臟不再傷當作三臟不再傷皆傳寫之誤耳蓋虛癆之症必始于腎經五臟從相尅而逆傳已盡又復傳于腎與心則水絕滅而火太旺故死而不復再傳于彼之三

臟矣。其有從相生而順傳者。有生生不息之義。故間臟者生也。  
回春曰。虛癆之疾。不受補者難治。喉中生瘡。聲音啞者不治。  
久卧生胝者不治。虛極之病。火炎面紅。發喘痰多。身熱如火。跗  
腫溇洩。脉緊不食者。死不治。

虛癆導引 保生秘要曰。掌心無事。任擦搓。早晚摩兩脇。腎俞  
耳根湧泉。令人搓百四十回。固精多效。朝煨人乳酒。飲清潔童  
便。或服循環水。用姜棗以煖脾宮。或用秋石代鹽。取其滋陰降  
火。若虛損無力。服參者。宜依方進氣。取效天然。至危漏底。諸藥  
難治者。用好臍帶數條。燥爲末。每服二錢。好酒諒意調服。神驗  
也。戒惱怒。絕思慾。忘言守靜。能睡息。起死回生。

運功 保生秘要曰。一指歸元。三提三咽。念四字咒。千分寸虛  
虛抱守。妄念返復。持一死字。世事盡歸于空。抱守二七。痰涎稍

清運功週天。借督脉。按四時進退。有神功。嘔紅起念。良背運。行庭歸元。合用。百日功夫。勿使間斷。骨蒸盜汗。痰嗽盡愈。

五勞六極七傷皆虛損之屬病也。蓋虛損之病。由五臟之勞而生。其病既成。卽生六極。漸至七傷。是五勞者。虛損之原。而六極七傷。則皆虛損病之流極也。其患有相因。其勢有必至。雖皆虛損之屬。而其症狀調治。寔有不容混者。故復舉而詳之。金匱曰。五勞者。心勞神損。肝勞血損。脾勞食損。肺勞氣損。腎勞精損也。心宜大五補丸。肝宜黑元參。黃芪散。腎宜腎氣丸。然則知五勞之症。治卽可以杜癆瘵之原。入門曰。數轉筋。十指爪甲皆痛。爲筋極。宜並服滋補養榮丸。酒煮木瓜粥。牙痛。手足痛。不能久立。爲骨極。宜茸珠丸。面無血色。頭髮墮落。爲血極。宜補身榮湯。上往往如鼠走。體上乾黑。爲肉極。宜參苓元氣。少無力。身無膏澤。爲羸瘦。目無精光。立不能久。身體若痒搔之生瘡。此爲精極。宜巴戟元胸

脇逆滿。恒欲大怒。氣少不能言。此爲氣極。

宜益氣丸

然則知六極之症。

治卽可以拯癆瘵之深。入門曰。七傷一陰寒。二陰痿。三裏急。四精

漏。五精少。六精清。七小便數也。

總治宜鎖陽丹九龍丹

然則知七傷之症。治

卽可以培癆瘵之根。

勞傷形症

孫思邈曰。忽喜怒。大便苦難。口內生瘡。此爲心勞。

短氣面腫。鼻不聞香。咳嗽唾痰。兩脇脹痛。喘息不定。此爲肺勞。

面目乾黑。精神恍惚。不能獨卧。目視不明。頻頻淚下。此爲肝勞。

口苦舌強。嘔逆醋心。氣脹唇焦。此爲脾勞。小便黃赤。兼有餘瀝。

腰痛耳鳴。夜間多夢。此爲腎勞。入門曰。曲運心機。爲心之勞。

其症血少。面無色。驚悸盜汗。夢遺極則心痛。咽腫盡力謀慮。爲

肝之勞。其症筋骨拘攣。極則頭目昏眩。意外過思。爲脾之勞。其

症脹滿少食。極則吐瀉肉削。四肢倦怠。預事而憂。爲肺之勞。其

症氣乏。心腹冷痛。極則毛焦津枯。咳嗽悶熱。矜持志節。爲腎之勞。其症腰脊痛。遺精白濁。極則面垢。脊如折。又曰。心勞則口舌生瘡。語澀肌瘦。肝勞則脇痛。關格不通。脾勞則氣急肌瘦。多汗。肺勞則氣喘面腫。口燥咽乾。腎勞則尿赤陰瘡。耳鳴面黑。醫鑑曰。七傷者。一陰汗。二精寒。三精清。四精少。五囊下濕痒。六小便澀數。七夜夢陰人。其病皆小便赤熱。或如針刺。

煎厥症。陽虛病也。內經曰。陽氣者。煩勞則張。精絕。辟積于夏。使人煎厥。目盲不可以視。耳聞不可以聽。潰潰乎若壞都。汨汨乎不可止。註曰。以煎迫而氣逆。因以煎厥爲名。厥謂氣逆也。蓋陽虛之人。其氣本浮。爲外熱所迫。氣遂逆而不止。甚至昏冒。故成此症也。然其原雖本陽虛。以由熱邪煎迫而成。仍禁用辛熱之品。醫者固不可不知也。宜加味補陰丸  
加藏補陰丸

煎厥症治 入門曰煎厥而至目盲所視耳閉厥聽大矣哉房

之爲患也治法宜與陰虛火動全

解。併肝腎虛病也。內經言尺脉緩澀謂之解。併釋云尺爲陰部。肝腎主之。緩爲熱中。澀爲無血。故謂之解。併解。併者寒不寒熱不熱弱不弱壯不壯。併不可名。謂之解。併也。據此則知解。併一症。洵由肝腎二經之虛。蓋肝主筋腎主骨。肝虛則筋軟緩而無力以束。無

力以束則周身之肌肉皆渙散而若解。腎虛則骨萎繭而不能自

強不能自強則遍體之骨節皆鬆懈而多併。惟其然故憊憊悒悒

漚漚悶悶若有不可以爲人。並不自知所以爲人者則肝腎二經

之虛爲已極矣。宜還齡萬壽丹此則內經之旨也。然而李氏挺則

又兼內傷外感言之。細詳其症誠非混雜之論也。李云解者肌肉

解散。併者筋不束骨其症似寒非寒似熱非熱四肢骨節解散怠

情煩疼。飲食不美。或因酒傷。宜葛花或中濕。宜加味或感冒風寒。

宜羌活或房事過多。宜鹿胎丸或婦人月水不調。宜加味以此得病。宜

通其氣血。疏其腠理。以內傷兼外感。藥調之。則又醫者所當詳察。

總之內經之言。解休本症也。李挺之言。解休兼症也。由本症論。為

虛癆已極。由兼症論。為虛癆。別固不可一例。眎也。且由李氏之

言推之。如大腸移熱于胃。胃移熱于胆。皆成食休症。皆多飲食。皆

食易饑。皆不生肌肉。應亦為解休兼症之流。派也。宜參苓元病千變而

不窮。治隨機而難執。必審乎此。乃可與言醫。

解休症狀 靈樞曰。髓傷則消燂。脂瘦體解。休然不去矣。不去

者。謂不能行去也。

二陽病。血虛精少症也。內經言。二陽之病。發心脾。有不得隱曲。女

子不月。其傳為風消。其傳為息賁者。死不治。夫所謂二陽者。手陽

明大腸。足陽明胃也。蓋以腸胃發病。心脾受之。心主血。今受病。則失所主。而血不流。脾主化食作味。輸于臟腑而成精。今受病。則失所主。而味不化。致男子少精。不得為隱蔽委曲之事。然則二陽之病。非由精少。血衰。而何。古人謂為症屬血勞。洵有然也。蓋以女子不月。固屬血病。宜逍遙散加精。即是血。男子不得隱曲。亦即血病也。宜兔絲子丸。鹿胎丸。

附載陳藏器諸虛用藥例

虛癆頭痛身熱

杞子 玉竹

虛而欲吐

人參

虛而多氣微嗽

麥冬 五味子

虛而不寧

人參

虛而腰脇不利

杜仲 磁石煨

虛而多夢

龍骨

虛而痰又有氣

半夏 枳實 生薑

虛而大熱

黃芩 天冬

虛而小腸不利

茯苓 澤瀉

虛而多熱

地黃 牡蠣 甘草 地膚子



虛而小腸自利 龍骨 桑螵蛸 虛而口乾 麥冬 知母

虛而驚悸兼冷 小草 柴石英 虛而驚怖 沙參 龍齒

虛而吸吸 胡麻 覆盆子 虛而多忘 茯神 遠志

虛而客熱 柏子仁 地骨皮 虛而大冷 肉桂 附子

虛而髓竭 熟地 當歸 虛而溺白 厚朴

虛而溲赤 黃芩 虛而損 茯苓 巴戟

虛而冷 川芎 乾姜 虛而昏 茯神 硃砂

心虛 人參 扶苓 石菖蒲 養按心虛者心家氣血不足

肝虛 川芎 防風 天麻 養按肝虛者肝家受損面無血

脾虛 白朮 白芍 益智仁 養按脾虛者肌肉消瘦飲食

肺虛 天冬 麥冬 五味子 養按肺虛者咳嗽痰盛氣急

腎虛 熟地 丹皮 遠志 養按腎虛者水火不足也水虛

諸虛用藥 治虛癆法 卷八 三

兎固本丸方附後

胆虛

棗仁 細辛 地榆 按胆虛多驚多畏不能獨處如人將捕之也宜仁熟散溫胆湯方附後

附載李士材治虛癆法

苡仁茯苓扶胃且有降下之功效 桑皮貝母止痰嗽

桔梗陳皮行氣且有健脾之力 蓮心山藥止洩瀉

麥冬五味保肺而能滋化之源 人乳梨汁解燥結

地骨丹皮治蒸而無寒冷之累 童便藕汁能止血

以上皆以甘涼之品行收降之令爲初起者設也若久

病百脉空虛虛火炎亢非甘溫不能復真元異功散是

也

人參茯苓白朮炙草陳皮非粘膩不能潤枯朽地黃丸是也 人參黃芪

當歸白芍地黃防風遠志茯苓神鹿茸黃芩石菖滑石蒲黃茂鹽炙草車前子瓜蒌

治虛損癆瘵方五十六

四君子湯

養氣 人參 茯苓 白朮 炙甘草

八珍湯

虛熱 當歸 人參 茯苓 白朮 炙甘草 川芎

十全大補湯

調經 當歸 人參 茯苓 白朮 炙甘草 川芎

牛膝丸

緩肝 內桂 牛膝 茯苓 薏苡子 杜仲 防風 茯苓

八味丸

補火 澤瀉 肉桂 地黃 山藥 附子 山萸 丹皮 茯苓

金剛丸

益精 豬腰子丸 草薢 杜仲 從容 兔絲子 酒煮

煨腎丸

肉桂 白茯苓 牛膝 草薢 杜仲 防風 酒煮 豬腰子 和蜜丸

補中益氣湯

溫補 陳皮 人參 黃芪 當歸 白朮 甘草

四物湯

諸血 川芎 當歸 白芍 生地

當歸補血湯

又 荆芥穗 當歸 生地 熟地 川芎

六味丸

補水 澤瀉 地黃 山藥 山萸 丹皮 茯苓

腎

治虛癆防

卷八

三

逍遙散

陽虛 甘草 當歸 薄荷 白芍 煨姜 柴胡 黃芩 白朮

坎離既濟丹

又 五味 肉蓯蓉 川柏 生地 麥冬 山萸 杞子

遠志 茯苓 歸身 白芍 天冬 熟地 澤瀉 蜜丸 茯神 丹皮 棗仁 人參

人參養榮湯

陰虛 人參 黃芪 白朮 甘草 當歸 白芍 地黃 陳皮 遠志 肉桂

五味子

三白廣生湯

陳皮 地骨皮 白朮 白芍 茯苓 甘草 蓮肉 烏梅 山藥 貝母 丹皮 芡寔

五汁膏

咳血 天冬 麥冬 生地 薄荷 貝母 丹皮 阿膠 茯苓 犀角 梨汁 藕汁

蔗汁 人乳 蘿蔔汁 羚羊角 水入杯煎 三杯去渣入五汁再熬以入水不化為度又入蜜三兩重湯頓半日

清骨散

潮熱 秦艽 鼈甲 知母 青蒿 甘草 銀柴胡 地骨皮 胡黃連

龍齒丸

精濁 茯神 遠志 人參 龍齒 萸蒲 知母 黃柏

歸脾湯

泄瀉 人參 黃芪 當歸 白朮 茯神 棗仁 遠志 龍眼 木香 甘草 姜 棗

大兔絲子丸

腎病 鹿茸 澤瀉 附子 肉桂 熟地 牛膝 茯苓 山萸 川斷 防風 杜仲 巴戟 沉香 茴香 五味 川芎 菟絲子 破骨紙 草澄茄 桑螵蛸 覆盆子 石龍芮 去尖

補中地黃湯

積勞 人參 黃芪 當歸 白朮 茯苓 地黃 山萸 山藥 澤瀉 丹皮 升麻 姜 棗

保和湯

肺病 貝母 知母 天冬 麥冬 苡仁 杏仁 甘草 紫蘇 薄荷 紫苑 百合 桔梗 當歸 阿膠 百部 飴糖 欬冬花 五味子 馬兜鈴 生薑 失血加炒黑蒲黃 生地 小蓟 痰加瓜 蔓仁 茯苓 橘紅 喘去

聖愈湯

心病 人參 黃芪 川芎 當歸 生地 熱地 熟地 蘇薄荷 加蘇子 桑皮 黃芪 川芎 當歸 生地

補肝湯

肝病 山萸 甘草 肉桂 桃仁 茯苓 細辛 防風 大棗 柏子仁 柴胡 陳皮 川芎 白芍

柴胡疏肝湯

又 枳壳 炒香附 柴胡 陳皮 川芎 白芍



治虛癆方

調中益氣湯

脾病 甘草 人參 黃芪 當歸 白朮 白芍

調榮養衛丸

久癆 人參 黃芪 當歸 白朮 白芍 熟地 生地 山藥 麥冬 遠志 山萸 陳皮 鴨血 蜜丸

鹿胎丸

房慾 鹿胎去穢煮爛 熟地八兩用人乳粉 山藥各一兩拌蒸九次 兔絲子十兩酒煮 杞子八兩乳浸 製過首烏十兩乳浸日晒夜 露九次 金石斛六兩酒炒 巴戟肉五兩酒 炒 黃芪酥炙五兩 人參四兩 黃蒿膏丸

十四味建湯

積癆 人參 黃芪 當歸 白朮 甘草 白芍 茯苓 地黃 川芎 麥冬 附子 肉桂 茯苓 半夏 姜 棗

清暑益氣湯

暑癆 蒼朮 升麻 陳皮 神曲 澤瀉 麥冬 青皮 葛根 五味子

葛花解酲湯

酒癆 葛花 人參 茯苓 白朮 青皮 木香 橘紅 豬苓 澤瀉 神曲 乾姜 砂仁 蔻仁

嵩崖脾腎丸

老人 熟地 山藥 山萸 茯苓 丹皮  
澤瀉 附子 肉桂 牛膝 砂仁 車前

補骨脂 益智仁

神仙延壽酒

又 補骨脂 熟地 生地 天冬 麥冬  
人參 川芎 當歸 白芍 茯苓 木香  
砂仁 葛蒲 遠志 柏子仁 煮酒三十斤

麥煎散

童癆 赤苓 當歸 乾漆 鼈甲 常山  
大黃 柴胡 白朮 生地 石膏 甘草  
小麥

補血養陰丸

女癆 生地 丹皮 麥冬 白芍 當歸  
牛膝 杞子 青蒿 茯苓 鼈甲 川斷

五味子 益母膏為丸 咳加蜜炙枇杷葉  
咳甚加貝母沙參百部 痰加橘紅 熱甚加  
胡黃連銀柴胡 食少泄瀉去歸地杞鼈加蓮  
肉山藥陳松花

清離滋坎丸

情癆 熟地 生地 天冬 麥冬 當歸  
白芍 知母 黃柏 白朮 山藥 山萸

茯苓 丹皮 澤瀉 甘草 吐血加童便調  
陳墨 痰加竹瀝姜汁 汗加黃芪秦仁 痰  
加貝母瓜蔓仁 熱加地骨皮 嗽加五味  
怔忡加遠志秦仁 遺精加龍骨牡蠣 隔碍

滋陰清化丸

加陳皮 咽瘡加桔梗元參 痰喘加蘇子白芥子 萊菔子 久咳加阿膠五味紫苑麥冬 痰熱 熟地 生地 天冬 麥冬 當歸 龍甲 阿膠 白芍 茯苓 山藥 貝母 花粉 甘草 五味 蜜丸含化

人中白丸

血熱 生地 當歸 阿膠 白朮 白芍 龍甲 熟地 青蒿子 羚羊角 人中白 百部膏丸男服四錢女服三錢

參苓建中湯

潮熱 人參 茯苓 當歸 白芍 肉桂 甘草 前胡 細辛 麥冬 陳皮 半夏 骨蒸 柴胡 龍甲 知母 素芩 當歸 青蒿 烏梅 地骨皮 早晚服

龍甲散

河車丸

又 人參 河車 秋石 五味 人參 乳粉 阿膠 龍甲 地骨皮 銀柴胡 百部 青蒿 童便 陳酒熬膏丸

二仙膠

又 鹿角膠 龜膠 人參 杞子 共為末 酒調服亦治遺精

六君子湯

痰結 人參 茯苓 白朮 甘草 陳皮 半夏

潤腸丸

又 火麻仁 羌活 歸尾 大黃 桃仁



還少丹

溫補 山藥 山萸 牛膝 遠志 茯苓  
五味 巴戟 菰容 菖蒲 楮寔 杜仲  
茴香 杞子 熟地 蜜同棗肉丸

獨參湯

久血 人參一味濃煎

大黃廬里丸

乾血

理中湯

陽虛 人參 白朮 甘草 乾姜

杏仁膏

喘嗽 杏仁泥 姜汁 蜜 沙糖 桑皮  
木通 紫苑 五味子 後四味先煎去渣入  
前四味熬膏含化

立效方

痰嗽 貝母 杏仁 瓜蒌仁 五味子 欬  
冬花 桔梗 天冬 葱白 川椒 每歲一粒

紫金錠

共為末納猪肺中荷葉包蒸熟五更作一次  
用薄燒酒食完再吃陳酒少許安臥至曉  
桃花症 五倍子去土三兩 山茨菰去皮  
焙二兩 大戟洗焙一兩半 干金子去波油  
一兩 麝香三錢 糯米粥和杵干下每一料  
分作四十錠每服半錠重者一錠薄荷湯下  
修合此藥宜用五日七夕重九或天德月德日  
在淨室焚香齋戒勿令婦女孝服人鷄犬見之

腎 治虛癆方

一名太乙紫金丹

蘇合香丸

又木香 沉香 麝香 丁香 檀香 安息香 白朮 犀角 香附 硃砂 水飛半爲衣 華撥各二兩 乳香 冰片各一兩 蘇合油入安息膏內爲丸每一兩分作四十九每取二三丸姜湯白湯任下

回春辟邪丹

又虎頭骨二兩 硃砂 雄黃 鬼白 蕪荑 藜蘆 鬼箭羽 雄黃各一兩 蜜丸彈子大囊盛一丸繫男左女右臂上又于病者戶內燒之一切邪鬼不敢近 與鬼交者亦治兼治瘟疫

十疰丸

傳尸癘 雄黃 巴霜各一兩 人參 北細辛 麥冬 附子 桔梗 皂角 川椒 甘草各五錢 蜜丸梧子大每五丸溫水化下此藥并治一切鬼氣

桃奴丸

又桃奴七個另研 玳瑁 鏤細末一兩 安息香去渣一兩 右三味同入銀石器中熬成膏 硃砂 犀角各五錢 琥珀 雄黃各三錢 麝香 冰片 牛黃各二錢 桃仁麩炒十四個 安息膏丸芡子大陰乾封固安靜室每一丸人參湯下

炙甘草湯

脉代

附載葛可久治癆十方

保真湯

當歸 生地 人參 白朮 黃芪各一錢  
赤芍 炙甘草各八分半 天冬 麥冬 陳皮  
白芍 知母 黃柏 五味子 柴胡 地

腎皮 熟地各三分半 蓮肉 白茯苓 赤  
茯苓各六分 姜三 棗二 驚悸加茯神 赤

仁遠志 尿濁加猪苓 澤瀉 草薢 尿澀加木  
通石韋 扁畜 遺精加牡蠣 蓮鬚 燥熱加石

膏滑石 青蓄 龍甲 盜汗加浮麥 牡蠣 麻黃根  
各因症之輕重而量加之可也

此方專治虛癆骨蒸潮熱盜汗等症  
天冬 麥冬 知母 貝母 款冬花各一錢

保和湯

以仁 杏仁 花粉 五味子 各七分 馬兜  
鈴 炙甘草 紫苑 百合 桔根 阿膠

當歸 酒生地 各三分半 蘇葉 薄荷各二  
分 姜三片 煎至半去渣入飴糖一匙食後

服日三次  
此方專治虛癆咳嗽肺痿唾膿血 血甚加蒲

黃茜根 藕節 痰盛加南星 半夏 陳皮 枳殼 瓜  
黃仁 喘急加桑皮 陳皮 葶藶 熱盛加梔子

黃芩 連喬 風盛加防風 荆芥 金沸草 寒盛  
虛癆方

腎

虛癆方

卷八

三六

加人參桂枝

太平丸

天冬 麥冬 知母 貝母 欵冬花 杏仁  
各二兩 當歸 生地 熟地 阿膠 各一兩  
半 蒲黃 京墨 桔梗 薄荷 各一兩 白  
蜜四兩 麝香一錢 用銀石器先煉白蜜再  
下諸藥末攪勻再上火入麝末熬數沸作丸彈  
子大每日二服食後細嚼一丸薄荷湯緩緩送  
下次噙一丸 痰盛先用飴糖拌消化丸吞下  
却噙此丸仰臥使藥入肺竅則肺清潤其嗽退  
除七日病痊

消化丸

此方專治虛癆久嗽肺萎  
青礞石煨如金色 明礬 皂角 炮南星  
製半夏 茯苓 陳皮 各二兩 枳實 枳殼  
各一兩半 薄荷一兩 沉香 黃芩 各五錢  
姜汁浸神曲末作糊丸二藥相攻痰嗽自然  
除根矣

潤肺膏

此方專治虛癆肺萎咳嗽熱痰壅盛  
羊肺一具 杏仁另研 柿霜 真酥 真蛤  
粉各一兩 白蜜一兩二錢 先洗淨肺次將  
水拌諸藥入肺中白水煮熟如常法食之與上  
藥相間服亦可  
此方專治虛癆久嗽肺萎

白鳳膏

黑嘴白鴨一隻 黑棗三升 參苓平胃散末

一升 陳酒一瓶 將鴨頭割開取血將熱酒

隨量飲之能直入肺經潤補却將鴨乾去

毛子脇邊開一孔去腸雜拭乾將棗去核每個

納參苓平胃散填入鴨腹中麻扎定以大沙罐

置鴨及酒四圍用火慢煨將酒作二次添入煮

乾為度然後食之其棗陰乾任意去藥食用參

湯送下或將棗研爛為丸服亦可服此藥後隨

服補髓丹

此方端治虛癆肺萎嗽血

雄猪脊髓一條 羊脊髓一條 鱉魚一個

烏雞一隻 將四樣製淨去骨取肉用酒一大

碗沙鍋內煮熟打爛再入 柿餅十個 將四味

蓮肉半斤 大棗百個 柿餅十個 將四味

修淨用井華水一大碗于沙鍋內煮爛與前肉

合一處慢火熬之再下 明膠四兩 黃蠟五

兩 右二味逐漸添下與前八味和打成膏和

平胃散末四君子湯末知母黃柏末各一兩共

十兩如乾入蜜同熬取起于青石上以木槌打

如泥為丸每百丸不拘時藥湯下

此方專治虛癆羸瘦能補髓生精和血順氣

十灰散

大蓼 小蓼 側柏 荷葉 茅根 茜根

大黃 梔子 棕皮 丹皮 等分燒存性出

虛癆方

五勞六極七傷方

卷八

二十七

火毒研細用藕汁或萊菔汁磨京墨半碗調服五錢卽止

此方專治虛癆心肺損大吐血及咯血唾血不止宜服此以止之如不效用花蘆石散以消之無不愈

### 花蘆石散

花蘆石煨研極細童便一杯煎溫調下三錢或五錢服之或男用酒一半女用醋一半與童便和服亦可此方專治虛癆吐血五內崩損涌出升斗者宜服此使瘀血化爲黃水繼服獨參湯以補之

### 獨參湯

人參加棗一二枚以長流水濃煎服此方專治虛癆吐血後羸弱氣微

### 治五勞六極七傷方十四

#### 大五補丸

#### 黑元

#### 橘皮煎元

心勞	天冬	麥冬	茯神	菖蒲	人參
杞子	遠志	熟地	益智仁	地骨皮	
肝勞	酒當歸	鹿茸	各一兩	烏梅	肉爲膏
丸酒下	五十九				
脾勞	橘皮	五兩	甘草	三兩	三錢
當歸	苳容	吳萸	厚朴	肉桂	巴戟
石斛	附子	牛膝	鹿茸	杜仲	乾姜
陽起石	虎絲	子各一兩	酒一升	半沙鍋內	

人參黃芪散

入橘皮末熬如飴再入諸藥末攪勻為丸空心溫酒鹽湯任下五七十丸

肺勞 柴胡 錢半 天冬 一錢 桑皮 秦艽 地骨

母 紫苑 生地 各七分 赤芍 甘草 各五分 人

參 茯苓 桔梗 各三分

腎氣丸

腎勞 熟地 八兩 山藥 山萸 五味子 各

四兩 丹皮 茯苓 澤瀉 各三兩 此乃水

泛為痰之聖藥血虛發熱之神劑又能補肝益

滋補養榮丸

筋極 遠志 白芍 黃芪 白朮 各兩半

熟地 人參 五味 川芎 當歸 山藥 各

二兩 陳皮 八錢 茯苓 七錢 生地 五錢 各

山萸 四錢 蜜丸 此方專補肝血并治虛勞

酒者木瓜粥

氣血不足精神短少脾胃虛弱

又 大木瓜 酒水煮爛研作膏熱服轉筋處

冷即易一宿三五度即差 此方并治脚膝筋

茸珠丸

骨極 鹿茸 鹿角霜 鹿角膠 熟地 當

歸各兩半 從容 棗仁 柏子仁 黃芪 各

七錢 附子 陽起石 硃砂 各三錢 酒糊

腎

五勞六傷七傷方煎飲方

卷八

二

補榮湯

血極 當歸 白芍 生地 熟地 赤苓  
山梔 麥冬 陳皮 各一錢 人參 甘草 各五分 棗二 烏梅 一

參苓元

肉極 人參 菖蒲 遠志 赤苓 牛膝  
地骨皮 各一兩 蜜丸 米飲下

巴戟元

精極 五味子 巴戟 骨碎 補苳容 兔絲子 人參 白朮 熟地 益智仁 等分 蜜丸 每三十

龍骨 覆盆子 益智仁 等分 蜜丸 每三十

丸 米湯下 日二服 虛甚 入物湯下 此方專治

面色 白而不澤 悲愁 欲哭 脉空 虛是 為脫精 脫

神宜 峻補 肝腎 收斂 精氣 補益 元陽

氣極 人參 麥冬 各七錢 陳皮 桔梗

炙草 各五錢 五味 廿一粒 水浸油餅丸 芩

子大 每一丸 細嚼 津唾咽下

鎖陽丹

七傷總 桑螵蛸 三兩 龍骨 茯苓 各一兩  
糊丸 茯苓 監湯下 專治 脫精 滑洩

九龍丹

又 金櫻子 杞子 山查 蓮子 蓮鬚  
熟地 芡寔 茯苓 當歸 等分 酒糊丸  
如精滑便濁者 服二三日 尿清 如水 飲食倍常  
行步輕健

治煎厥症方二



加味補陰丸

煎厥 黃柏 知母各四兩 牛膝 杜仲  
熟地 巴戟 山萸各三兩 茯苓  
杞子 遠志 山藥 鹿茸 龜板各二兩  
蜜丸 監湯下八九十九 此方極能補陰虛  
陰火

加減補陰丸

又 熟地八兩 兎絲子 牛膝各四兩 白  
芍 當歸 瑣陽 龜板各三兩 虎骨 黃  
柏 山藥 杜仲 人參 黃芪各二兩 補  
骨脂 杞子各兩半 猪脊髓入蜜和丸每百  
丸 監湯下

治解仿方八

遐齡萬壽丹

解仿 茯神 赤石脂 川椒微炒出汗各二  
兩 飛硃砂 乳香燈心 同研各一兩 用雞

子二個去清黃只將硃砂乳香各裝一卵內紙  
糊七重青絹袋盛之令精壯女人懷于肚上常  
令溫煖硃砂懷三十五日乳香懷四十九日再  
出再研前三藥亦為細末和勻以蒸棗肉丸菜  
豆大每三十九丸以甲子庚申夜幽靜處修合忌  
外加至四十九丸以甲子庚申夜幽靜處修合忌  
婦人鷄犬見之一名五老還童丹  
詩曰遐齡萬壽丹服食魂魄安養藥鷄抱卵日

期要周全修合深室宜一切人勿觀甲子庚申  
夜爲丸不見天一還增六十二還百廿年服藥  
非凡骨壽同天地間秘之深秘之元之更又元

### 神仙既濟丹

又三酒炒黃柏四兩酒蒸山藥酒洗牛膝  
各三兩酒洗杞子人參姜杜仲巴戟五味子  
酒洗甘草茯苓遠志鹽炒茴香酒蒸容酒  
山黃酒生甘草水浸遠志菖蒲熟地酒知  
母酒洗甘菊去白陳皮各一兩蜜和蒸棗肉  
酒洗甘菊去白陳皮各一兩蜜和蒸棗肉  
丸空溫酒監湯任下  
各二兩無甘菊山梔陳皮  
此方專補諸虛百損五勞七傷滋腎水除心火  
益脾土添精補髓益氣和血壯筋骨潤肌膚聰  
耳明目開心定智強陰健陽延年益壽性味溫  
而不熱清而不寒久服則坎離既濟陰陽渙和  
火不炎而神自清水不滲而精自固乃平補之  
聖藥也  
酒傷葛花砂仁薏仁各五錢青皮三  
錢白朮乾姜神曲澤瀉各二錢人  
參茯苓猪苓陳皮各錢半木香五分  
共爲末每三錢白湯下得微汗則酒病去矣  
此蓋不得已而用之豈可恃賴日日飲酒若頻  
服之損人天年

### 葛花解醒湯

加味木附湯

中濕 附子二錢 白朮 赤苓 甘草各錢半 姜七 棗二 水煎日再服 續見身痺三服後當如胃狀勿怪 蓋木附並行脾中運水氣故耳

羌活冲和湯

感冒 羌活 防風 蒼朮 甘草 川芎 白芷 生地 黃芩 細辛 姜 棗 葛根石膏 湯加

鹿胎丸

房事過多 鹿胎 熟地 兔絲子 杞子 製首烏 金石斛 巴戟 黃芪 人參 黃

加味逍遙散

本方製法及分量詳在虛癆條內 月病 白芍 白朮各錢二分 地骨皮 知母 當歸各一錢 茯苓 麥冬 生地各八分 山梔 黃柏各五分 桔梗 甘草各三分

參苓元

食傷 人參 赤苓 遠志 菖蒲 牛膝 地骨皮各一兩 蜜九米湯下

治二陽病方四

逍遙散

不月 白朮 白芍 茯苓 柴胡 當歸 麥冬各一錢 甘草 薄荷各五分 姜三片

加味逍遙散

又 地骨皮各一錢 白芍 茯苓 麥冬 生地各八分 解食傷方 二陽病方 卷八

山梔 黃柏各五分 桔梗 甘草各三分

兔絲子丸

精少 兔絲子 山藥 蓮肉 茯苓 杞子

鹿胎丸

又 兔絲子 杞子 鹿胎 熟地 首烏  
石斛 巴戟 人參 黃芪 黃蒿膏丸  
本方製法及分量詳在虛癆條內